

ԱՄՈՒՍՆՈՒԹԻՒՆԸ՝ ԶԱՔԱՐԵԱՆՆԵՐԻ ՊԵՏԱԿԱՆԱՇԽՆՈՒԹԵԱՆ ԳՈՐԾԱՌՈՅԹ

ՏԻԳՐԱՆ ՊԵՏՐՈՍԵԱՆՑ

tigranhayazn@mail.ru

ՄՈՒՏՔ

Ամուսնության փաստը հազարամեակներ շարունակ եղել է պետական-նաշինության լրջագույն գործիք: Ամուսնական կապերի հաստատման ճանապարհով լուծուել են շատ խնդիրներ, կարգատրուել պետությունների, իշխող ընտանիքների յարաբերություններ: Այն իր նպատակների իրագործման համար լաւագոյնս օգտագործել է ԺԲ. դարի հայ խոշորագոյն ռազմական, քաղաքական գործիչ, Հայաստանի 1185-87ի թագաւոր Զաքարէ Ա.ի որդի Սարգիս Բ. Մեծը: Նրա կազմակերպած ամուսնութիւնների արդիւնքում ստեղծուել է ապագայ պետականութեան հիմնատարածք: Շուրջ 150 տարի Սարգիս Բ. Մեծի ամուսնութիւններ կազմակերպելու միտումը կիրառուել է թէ՛ Հայք-Հայաստանի 1187-1236ի բացարձակ անկախութեան, թէ՛ 1236-1350ականների մոնղոլական տիրապետութեան կիսանկախ գործունէութեան շրջանում: Սարգիս Բ. Մեծի մօտեցումները 5-6 սերունդ կենսունակ արդիւնաւէտութեամբ ծառայել են Հայք-Հայաստանի իշխանական տների գոյատեւման գործին:

Այստեղ մենք լուսարձակի տակ կ'առնենք վերոյիշեալ ամուսնութիւնների պարագան եւ դրանց հետեւանքով հայ իշխանական տների մերձեցման եւ պետականութեանը սատարելու փաստը:

ԶԱՔԱՐԵԱՆՆԵՐԻ ՀԻՄՆԱԿԱՆ ՃԻՒՂ

1160ականներին դառնալով իօր՝ Վիրքի զօրաբանակի կազմում ձեւատրուած հայկական բանակի հրամանատար, Զաքարեան տոհմի հիմնադիր Զաքարէ Ա.ի օգնականը, ապա հրամանատարի պաշտօնում փոխարինելով նրան, Սարգիս Բ. Զաքարեանը, հայկական կիսանկախ իշխանատրոների շրջանում իր քաղաքական դերն ու ազդեցութիւնը ամրապնդելու նպատակով, օգտուել է ամուսնութեան ընձեռած հնարատրութիւններից՝ իրեն եւ իրար կապելով Հիւսիսային Հայաստանում իրենց անկախ կամ կիսանկախ գոյութիւնը պահպանած հայկական իշխանական տների ներկայացուցիչներին:

Առաջին քայլով Սարգիս Ա.ն բարեկամական-խնամիական կապ հաստատեց Արծրունի իշխանական տոհմի հետ: Թէ՛ հայրը՝ Զաքարէ Ա.ն, թէ՛ որդին՝ Սարգիս Բ.ն զինոտրականներ էին: Քաղաքական ասպարէզ մտնելու, ազդեցութիւն ձեռք բերելու համար նրանք պէտք է ազդեցիկ շրջապատ ստեղծէին: Այդ ժամանակներում իրենք Վիրքի բանակի հրամանատար Իւանէ Օրբէլեանի օգնական-վասալներն էին: Մէկ քայլով

նրանցից առաջ էին անցել Մահկանաբերդի, Կայենի, Հաղբատի տեր Արծրունիները, որոնք վասալի կարգավիճակից բարձրացել եւ ուղիղ Վիրքի թագաւորի վասալներ էին դարձել եւ գրաւեցնում էին Թիֆլիսի քաղաքապետի պաշտօնը¹:

Այդ ընտանիքի հետ բարեկամութիւնը կարող էր օգտակար լինել Զաքարեանների առաջխաղացման համար:

Սարգիս Բ.ն խնդրել է Թիֆլիսի նախկին քաղաքապետ Վահրամ Արծրունու դստեր, Թիֆլիսի քաղաքապետ Ամիր Վասակ Արծրունու քրոջ՝ Սահակդուխտ իշխանուհու ձեռքը: Սահակդուխտ իշխանուհու/թագուհու անունը առաջին անգամ փորագրուել է Հոռոմայրում Սարգիս Բ. Մեծի մահուան տարում՝ 1187ին, նրա յիշատակին, որդիների՝ Զաքարէ Բ.ի եւ Իւանէ Ա.ի կառուցած Ս. Նշան կամ Սպասալարների եկեղեցու հարաւային մատուռ տանող մուտքի բարաւորին. «*Ի թուին ՈԼԶ /1187/: ... ես՝ ամիրսպասալար Զաքարէ, եւ Իւանէ, շինեցաք զեկեղեցիս, փռաք զԾեռնուկ տուրք Նշանիս, վասն մեր յերկար կենդանութեան եւ մեր ծնողացն հոգոյն առնեն ժամ :Բ:/2/ ար Զարկին ամիրսպասալար Սարգսի, :Բ:/2/ ար Յայրնութեան Սանդխտոր»²: Արձանագրութեան հրատարակողները ծանօթագրութեան մէջ նշել են որ այդ թուականին մահացած ամուսինների հոգու համար է կառուցուել եկեղեցին: Այդ թում նաեւ մօր հոգու համար: Նման բան չէր կարող լինել, քանի որ 1187ին մահացել է միայն Սարգիս Բ.ն: Անիի միջնաբերդում որդու՝ Զաքարէ Բ.ի կառուցած եկեղեցում թագուհու անունից փորագրուել է. «*Սուրբ եւ մեղսաքախչ պարարագն, որ սամ կարարի, Սահակդխտ է, ծնաւորի Զաքարէա եւ Իւանէի՝ թագատրագ Հա//ոց*»³: Իսկ յայտնի է, որ Անին ագատագրուել է 1199ին միայն, եկեղեցին կառուցելու համար եւս միքանի տարի էր անհրաժեշտ: Այսինքն առնուազն մինչեւ 1204/05 Սահակդուխտ թագուհին դեռեւս ապրել է:*

Սարգիս Բ. Մեծ եւ Սահակդուխտ իշխանուհու ամուսնութիւնը եղել է արգասաբեր: Սահակդուխտը ծնել է երկու որդի, չորս կամ հինգ դուստր:

Հեռատես Սարգիս Բ.ն իւրովի է որոշել դուստրերի ճակատագիրը:

1170ականներին Արցախ աշխարհի Ծար գաւառում, Վերին Խաչէնում, Ներքին Խաչէնում որոշակի անկախութիւն էին պահպանել հինաւորաց Առանշահիկ թագաւորների շառափոյնները, որոնցից Հաթերքի եւ Խոխանաբերդի տէրերը՝ Վախթանգ Սակոեանը եւ Վախթանգ Տանգիկը իրենց թագաւորներն էին կոչում, Ծարի տէրը՝ գահերեց իշխան: Նրանց հետ բարեկամութիւնը կարող էր շահեկան լինել:

Սարգիս Բ.ն դուստրերից Դուփին կնութեան է տուել Ծարի գահերեց իշխան Հասան Ա.ին: Այս ամուսնութիւնից ծնուել են Գրիգորիսը (ԺԳ. դարակգրին Հաղբատի եպիսկոպոս եւ առաջնորդ)⁴, Յովհաննէսը (Հաղբատի, ապա՝ Սանահինի եպիսկոպոս եւ առաջնորդ, կառուցել է Հաղբատի եւ Սանահինի սահմանում գտնուող Կայան բերդը)⁵, Գրիգոր Մեծ իշխանը⁶: Հասան Ա.ն վաղ է մահացել եւ մինչեւ Գրիգոր որդու չափահաս

դառնալը, երկրամասի գահերեց իշխանի գահը, Ջաքարէ Բ. շահնշահի հրամանով տնօրինել է Դուի իշխանուհին: 1214ին մահացել է Վերին Խաչէնի տիրակալ Վախթանգ Հաթերքցին: Նրա արու ժառանգներն անլի վաղ մահացել էին: Թէեւ Վախթանգ Հաթերքցու եղբայրների որդիներն ապրում էին, բայց իշխանութեան գահը մնացել է թափուր: Փոխադարձ համաձայնութեամբ, խաղաղ ճանապարհով, Ջաքարէ Բ. շահնշահին 1213ին հայոց գահի վրայ փոխարինած Իւանէ Ա.ն, Հաթերքի իշխանութեան մի մասը կցել է քրոջ՝ Դուի Ծարի իշխանութեանը⁷: Հայոց պատմութեան մէջ եզակի է այս ամուսնութեան արգասիքը՝ Դուի անունով տոհմն անուանակոչուել է Դուխեանք⁸: Գահի վրայ մօրը փոխարինել է չափահաս դարձած որդին՝ Գրիգոր Մեծ իշխանը: Դուի իշխանուհու շինարարական աչքի ընկնող ձեռնարկը Խաղա վանքի մատուտն է: Խաղա վանքի հիմնական եկեղեցին կառուցել է նրա տեգրը՝ Յովհաննէս եպիսկոպոսը: 1226ին Դուի իշխանուհին Յովհաննէսի կառուցած եկեղեցու հիսխային պատին, արեւելեան հատուածում կիսով եկեղեցու մէջ մտած մատուտ է կառուցել, որն իր արձանագրութեան մէջ անուանել է գափթ: Դուի իշխանուհին իր արձանագրութեամբ յայտնում է. «*Թուին ՈՀԴ /1226/: Ես՝ Դուխ, դուստր Սարգսի, քոյր Ջաքարէի եւ Իվանէի, շինեցի զգափթս եկեղեցոյս եւ զմատուտս*»⁹: Կեանքի վերջին տարիներին Դուի իշխանուհին փոխադրուել է Հաղբատ, մահացել եւ թաղուել է տեգրոց կառուցած մեծ գաւթում: Անլի ուշ նրա կողքին յուղարկաւորուել է որդին՝ Յովհաննէս եպիսկոպոսը: Իշխանուհու տապանաքարին փորագրուած է. «*Ջաքարէի եւ Իւանէի քոյրն է Դափն*»¹⁰:

Սարգիս Բ.ն յաջորդ դստերը՝ Խորիշահին, ամուսնացրել է Ներքին Խաչէնի տիրակալ Վախթանգ Տանգիկի հետ: Այս ամուսնութիւնից ծնուել են Հասան-Ջալալ, Ջաքարէ, Իւանէ, Նասր Դուլ որդիները եւ երեք դուստրեր: 1212ին բացառապէս Խորիշահի նպաստաւորմամբ կառուցուել է Մեծառնք գաւառի եպիսկոպանիստ Սուրբ Յակոբայ եկեղեցին: Եկեղեցու մուտքի բարաւորին Խորիշահի իշխանուհու հրամանով փորագրուել է. «*ՈԿԱ /1212/ թիւ: Ես՝ Խորիշահ, ամուսին Վախտանգա, տէր Խաչէնոյ, դուստր Մեծին Սարգսի, քոյր Ջաքարի եւ Իւանոյ, վերստին շինեցի զեկեղեցին Մեծարանից ի փրկութիւն հոգոյ իմոյ, ի բարեխաւ գաւազաց իմոց... զՎախտանգ եւ զիս յաղապս յիշեցէք*»¹¹: Եկեղեցու կառուցման առթիւ ամուսինները պատուիրել են ստացել են շքեղ, 311 մագարաթեայ թերթի վրայ շարադրուած Անտարան, որի յիշատակարանում գրուել է. «*... հրամանաւ եւ ծախիւք բարեսէր եւ աստուածահաճոյ առն Վախտանգա՝ որդոյ Հասանա՝ որդոյ Վախտանգա եւ քրիստոսատէր ամուսնոյ նորա Խորիշահի՝ դուստր մեծ սպարապետին Սարգսի*»¹²: 1214ին Տանգիկը մահացել է: Գահը կտակի համաձայն անցել է նրա կնոջն ու պատանի որդուն՝ Հասան-Ջալալ Դուլոյին: 1216ին, մօր օգնութեամբ, Հասան-Ջալալն սկսել է Գանձասարի կաթողիկէ եկեղեցու կառուցումը: Այդ տարի-

ներին Խորիշահ իշխանուհին ամուսնացրել է երեք որդիներին: Երբ շինարարութիւնն հասել է արեւելեան պատուհաններին, մօտաւորապէս 1220ականների սկզբներին, իշխանուհին երրորդ անգամ ճգնելու է գնացել Երուսաղէմ: Պատմիչ Կիրակոս Գանձակեցին գրել է. «... չոգաւ նա ի տուրք քաղաքն Երուսաղէմ եւ զամս բազումս անդ կացեալ մեծաւ ճգնութեամբ՝ զարմացուցանէր զամենայն տեսողսն եւ զլսողսն քանզի ծախեսալ զամենայն զոյս իւր՝ զոր ունէր, յաղբարս եւ ի կարօտեսալս՝ նման Հեղինէի, կնոջն Աբգարու, եւ ինքն ձեռագործաւ իւրով կերակրէր: Եւ անդէն մեռաւ...»¹³:

Սարգիս Բ. Մեծը կենդանութեան օրօք ամուսնացրել է նաեւ Նրջիս անունով դստերը: Նրան տուել է Դսեղի տէրերից Համազասպեան-Մամիկոնեան իշխանական տան պայազատներից մէկին: Թէեւ աղբիւրներում որեւէ ակնարկ չկայ Նրջիսի ամուսնու անձի մասին, սակայն Համազասպեան-Մամիկոնեան իշխանատան տոհմաձառը կազմելիս մենք կարծիք ենք յայտնել, որ նա եղել Սաղուն իշխանի կինը¹⁴: Ամուսնու անուան բացակայութիւնը կարող է երկու պատճառ ունենալ: Կամ Նրջիսի ամուսինը վաղ է մահացել եւ մոռացութեան մատնուել, կամ էլ Նրջիսի ամուսինը, որի հետեւանքով նա հեռացել է ամուսնուց:

Նրջիսի մասին տեղեկացնող արձանագրութիւնները երկու տարեթիւ ունեն, երկուսը փորագրուել են 1223ին, երեքը՝ տասներկու տարի անց՝ 1235ին: 1223 թուակիր արձանագրութիւններից մէկը փորագրուել է Լօռու մարզի Թումանեանի տարածաշրջանի Իգահատ բնակատեղի մօտ գտնուող Գողգորթավանքի եկեղեցում, միւսը՝ Գողգորթավանքի եւ Քոբայրավանքի միջեւ գտնուող Բարձունքին տեղադրուած խաչքարի ճակատամասում եւ պատուանդանի երեսին: Գողգորթավանքի եկեղեցու արձանագրութիւնն այսպիսին է. «Ի թուին ՈՀԲ /1223/: Ես՝ Նրջիս, որդիացեալս Մամբանա, դուստր մեծին Սարքսի զտուրք առաջդէն զուգեցի եւ եկեղեցիս սալեցի, եւ ալոհնեցի, որք երկրպագէք՝ յիշեցէք ի փրկ զիս եւ զիմոնց: Եւ զինչ ի սկիւեին գրած է՝ Էթողած գեղիս հարկ իմանոց աղիս...»¹⁵: Քոբայրավանքի ճանապարհի խաչքարի պատուանդանին փորագրուած է. «Ի թուին ՈՀԲ /1223/: Ես՝ Գրիգոր, սնուցած եւ մեղուցեաց աագ դստէր Մեծին Սարգսի պատրոն Նրջսին, սնունդ թագուիոյն Մամբանա, կանգնեցի զՍուրբ Երորդութիւնս ողորմութեամբն պատրոնին յիշարակի հոգոյ իմոյ, եղրարց եւ բուեր իմոյ Բանուշահի կրօնատորի»¹⁶: 1235ի արձանագրութիւններից երկուսը փորագրուել են Հադիճի վանքի գաւթի ներսում, հիւսիսային պատի վրայ մէկը՝ Գօշավանքի Աստուածածին եկեղեցու ներսում, հիւսիսային պատի վրայ: Հադիճում փորագրուել է. «Ես՝ Գրիգոր, սնուցած Մեծին Սարգսի դստէրն Նրջիսին, փոխ Աւետարան զուգաւք ի ս/ուր/ք եկեղեցիս ողորմութեամբ պարոնին իմո... Ի թվիս ՈՅԴ (1235)»¹⁷: Նոյն արձանագրութեան տակ փորագրուած է. «Ես՝ Արսէն, սնուցած պարոն Նրջիսին ընծանաց արդիւնք ի ս/ուր/ք ուխտս»¹⁸: Գօշավանքում փո-

րագրուած է. «Ես՝ մեղուցեալ աղախին Քրիստոսի Ազիզ՝ պաշտօնեա Նրջսին, միաբանեցա ի սուրբ Ս/սրուածա/ծինս»¹⁹: Գողգոթականքի եկեղեցու արձանագրութիւնը յուշում է, որ Նրջիսը սիկիլով²⁰ նշանակուել է տունեալ տարածքի կառավարիչ, ունեցել է հարկեր գիջելու իրաւասութիւն, ինչն էլ արել է: Նման պաշտօնի իրամանագիր Նրջիսին ամենայն հաւանականութեամբ տուել է Զաքարէ Բ.ին գահի վրայ յաջորդած որդին՝ Շահնշահ Ա.ն: Փաստօրէն Նրջիսը որպէս սեփականատէր-կառավարիչ կեանքը շարունակել է որպէս պատրոն/պաթօն, ունեցել է սնուցեալ անձինք եւ պաշտօնեաներ: Հառիճի եւ Գօշականքի արձանագրութիւնները փորագրուել են 1235ին: Հետեւում է, որ Նուազագոյնը մինչեւ այդ նա ապրել է: Կեանքի վերջին տարիներին ճշնաւորել է Սանահինի վանական համալիրում: Մահացել եւ թաղուել է Սանահինի գրատան նախագալթում: Տապանաքարին փորագրուած է. «Ճգնաւորն պապորն Նրջիսն է, քոյր պարոնացն Զաքարէի եւ Իւանէի»²¹:

Սարգիս Բ. Մեծը մահացել է 1187ին եւ այլեւ չէր կարող ամուսնացնել չորրորդ դստերը՝ Վանենի-Նանային: Վերջինիս ամուսնացրել են եղբայրները՝ հօրը՝ Սարգիս Բ.ին հայոց բանակի ամիրսպասալարի պաշտօնում փոխարինած Զաքարէ Բ.ն եւ եղբայրը՝ Իւանէ Ա.ն: Նրանք 15ամեայ Վանենուն, հօր մահից մէկուկէս-երկու տարի յետոյ ամուսնացրել են Մաճաբերդում ծուարած Կիրիկեան թագաւորական տան գահակալ, Կիրիկէ Գ.ի որդի, 17ամեայ Աբաս Բ. թագաւորի հետ: Գանձակեցին գրել է. «Սա (Աբասը – Տ.Պ.) առնու իւր կին զորասոր Սարգսի բարեպաշտ իշխանի... քոյր մեծամեծ իշխանացն Զաքարէի եւ Իւանէի, Նանայ անուն»²²: Երկու տարի անց, 1192ին, Աբաս Բ. թագաւորը, 19 տարեկան հասակում, հոգին աւանդել է: Նրան յուղարկաւորել են Հաղբատի վանքի մեծ գաւթի տոհմական տապանատանը՝ հօր կողքին²³: Վանենին, ամենայն հաւանականութեամբ, վերադարձել է հայրական տուն՝ Լօռէ Բերդ եւ, ինքնուրոյն կամ եղբայրների հետ գործակցելով, զբաղուել է շինարարական աշխատանքով, բարեգործութեամբ:

1192ին Վանենին, վաղամեռ ամուսնու յիշատակին, սեփական միջոցներով կառուցել է Սանահինի միաթոխչք մեծ կամուրջը: Կամուրջը տեղադրուած է Դեբէդ գետի նեղ եւ նպաստաւոր, ժայռեղէն ափեր ունեցող հատուածում: Այն ունի կիսաշրջանաձեւ կամար՝ 18,6 մետր բացուածքով եւ ամենամեծ թոխչք ունեցող պահպանուած կամուրջներից մէկն է: Կամուրջը գործում է առ այսօր: Թագուհու իրամանով կամուրջի կողքին կանգնեցուել է խաչքար, որի թիկունքին արձանագուել է. «[Մարտոյ զօրութեամբ: Ի տէրութեան]՝²⁴ ազգին Բագրաւորունեաց, ես՝ Վանենի, դուստր իշխանաց իշխանն Սարգսի, որդո Զաքարէի, կին Աբաս թագաւորի, որ կիսարե վախճանեալ խաւարեցոյց զմեզ, շինեցի զկամուրջս եւ կանգնեցի զխաչս յիշարակ նմա եւ միաթար ինձ եւ ի կեանս ծնողաց եւ եղբարց իմոց...»²⁵: 1197ին Վանենին գործակցել է եղբոր՝ Իւանէ

Ա.ի հետ Մորոյ Ձորոյ վանքի կառուցման ժամանակ: Արձանագրութիւնը կազմուել է Վանենու անունից. «*Ի թոյն Ռես2 /1197/: Ի ժամանակ/ի/ երկուց եղբարց՝ Զաքարէ եւ Իւանէ, շինեաց Իւանէ զվանքս Մորո Ձորո: Եւ ես՝ Նանա, կամակից եւ ազնական եղէ Աստուածածնիս եւ միաբանեցա ս/ուր/ք ուխտիս*»²⁶: Վանենի-Նանայի անունը կապուում է նաեւ Այրարատի կողմնակալութեան-փոխարքայութեան հոգեւոր կենտրոն Յովհաննավանքի հետ: Վանենի-Նանան որդեգրել է Յովհաննավանքի երիտասարդ վարդապետերից մէկին՝ Մարգարէին: Վերջինիս միջնորդութեամբ նա հովանաւորել է վանքի շրջապարսպի կառուցումը, որը դեկավարել է ինքը՝ Մարգարէն: Սակայն Վանենի-Նանային վիճակուած չէր վայելել նաեւ որդեգիր հոգեզաւակի քաղցրութիւնը: Պարսպի կառուցման ընթացքում մահացել է Մարգարէն: Վանենի-Նանան Մարգարէի գերեզմանին գեղաքանդակ խաչքար է կանգնեցրել: Թէեւ խաչքարը կոտորակուել, հիմնականում ոչնչացել է, արձանագրութիւնը ժէ. դարում արտագրել ու փրկել է պատմիչ Զաքարիա Սարկաազը. «... ես՝ Նանայս, դուստր մեծ ուսպեպիւն²⁷ Սարգսի, որդոյ Զաքարէի, որդոյ աւագ Սարգսի, կանգնեցի ի վերա նորակերպ վարդապետիս Մարգարէի, որ սկիզբն յաշակերտութեան իւրոյ որդիացաւ ինձ եւ առաւել եղեւ քան զծնունդ որովայնի... քսենալ զոժարութիւն սրտի նորա, անկայ ի շինութիւն պարսպին՝ նորա առաջնութեամբ: Եւ մինչ նա յայս բարոյ գործոյս վերակացութեան էր, մերձեցաւ կապարած կենաց նորա, եւ ի հող էջ մանկահասակ...»²⁸: Այս որդեգրումն ու պարսպի շինարարութիւնը կարող էին տեղի ունենալ 1217ի մերձակայ տարիներին, քանի որ այդ թուականին է աւարտուել Յովհաննավանքի Կաթողիկէի կառուցումը: Որքանով են Վանենին եւ Նանան նոյն անձը՝ դժուար է ասել, որեւէ դէպքում դրանցից մէկը գրելիս չի նշուել, որ միւսի հետ նոյնն է, ինչպէս օրինակ բազմիցս իշխանաց իշխան Վասակ Խաղբակեանի որդու՝ Հասանի մասին նշուել է. «...Հասան՝ երկանուն Պռաշ»²⁹:

Պատմաբան Արտաշէս Շահնազարեանը կարծիք է յայտնել, որ «Ըստ երեւոյթին մեծ Սարգիսն ունէր նաեւ Թամթա անունով մի այլ դուստր, որին պարկանում էր Ալիաբաղ բերդը»³⁰: Այն գտնուել է Լոռ: բերդի մօտակայքում: Այսպէս, 1225ին Տփղիս արշաւող խորեզմշահ Մուհամմադի որդի Զալալ ադ-Դինը կտրել է Փամբակի լեռնաշղթան, շրջանցել Լոռ: եւ Ալիաբաղ բերդերը (վերջինս փրկագնուել է) եւ անցել Տփղիս: 1229ին Զալալ ադ-Դինը, Խլաթի արշաւանքից վերադառնալով, արշաւել է Շաքան բերդ, ասերել, այրել է այն եւ այդտեղից անցել Թամթա թագուիու Ալիաբաղ բերդը: Այն արագ գրաւել է, կոտորել քնակիչներին, ապա գնացել Գագ եւ Քաւազին բերդերը: Թամթան³¹ իր թագուիի կոչումով իրօք կարող է լինել Սարգիս Բ. Մեծի դուստրը: Սակայն փաստական նիւթի բացակայութիւնը հնարատրութիւն չի տալիս ճշտելու թէ ով է եղել Ալիաբաղ բերդի իշխանատր տէրը, որ նրա կինը՝ Թամթան թագուիի է

անուանում: Թամթա անունը հաւանաբար եղել է Սարգիս Բ. Մեծի ընտանիքում, քանի որ այդ անունով է ներկայացուել Ներքին խաչէնի Վախթանգ ինքնակալի կին Խորիշահը³²: Թամթա անունով քոյր ունենալու հաւանականութեան օգտին է խօսում նաեւ այն, որ Իւանէ Ա.ն, հաւանական քրոջ պատուին, այդ անունով է կոչել իր դստերը³³:

Եթէ Սարգիս Բ. Մեծի դուստրերի հարցում կայ որոշակի տեղեկատուութիւն, որը հնարաւորութիւն է տալիս գծել նրանց պատմութեան յետագիծը, ապա նոյնը հնարաւոր չէ ասել երկու որդիների՝ ապագայ հայոց շահնշահ, Հայաստանի եւ Վիրքի միասնական պետութեան ամիրսպաւար եւ մանդատութեախօցէս Զաքարէ Բ. Մեծի եւ եղբոր, Հայաստանի եւ Վիրքի միասնական պետութեան ապագայ աթաբէկ Իւանէ Ա.ի մասին:

Զաքարէ Բ.ն 1187ին, 23 տարեկան հասակում, հոր մահից յետոյ, փոխարինել է նրան հայոց «թագաւորի» ծնական պաշտօնում, որ Թամար թագուհու կողմից Լոռու տարածքում շնորհուել էր Սարգիս Բ.ին: Զաքարէ Բ.ն ծնական անկախութիւնը դարձրեց բացարձակ պաշտօնական անկախութիւն: Նա Լոռու եւ յարակից տարածքները հիմք դարձնելով՝ Մերձաւոր Արեւելքում ծնաւորեց հզօր պետական միաւորում Հայք-Հայաստան անունով: Նա Հայք-Հայաստանի բանակի գլուխ անցած, մինչեւ իր մահը՝ 1213ը, հաբեւան՝ Մերձաւոր Արեւելքի բոլոր աւելի հզօր պետութիւնների դէմ պատերազմել եւ յաղթել է: Ամբողջ 26 տարի Զաքարէ Բ.ի կողքին եղել ու նրան օգնել է կրտսեր եղբայրը Իւանէ Ա.ն: Այդպիսի եղբայրութեան օրինակ մեր պատմութեան մէջ հազուադէպ է:

Եղբայրների ամուսնութիւնը եղել է հոր՝ Սարգիս Մեծի մահից յետոյ, ամենայն հաւանականութեամբ Անքերդի ազատագրման տարում՝ 1196ին³⁴:

Որեւէ տեղեկութիւն չկայ Զաքարէ Բ. Մեծի կողակցի մասին: Միայն յայտնի է, որ նա Սասնոյ իշխանի դուստրն է: 1197ին այս ամուսնութիւնից ծնուել է հայոց Զաքարէ Բ. շահնշահի միակ որդին՝ Սարգիսը:

Իւանէ Բ.ի կնոջ մասին մի փոքր աւելի տեղեկութիւն կայ: Նրա կնոջ անունը յայտնի է՝ Խոշաք: Սակայն Խոշաքի տոհմական ծագման մասին նոյնպէս ոչինչ յայտնի չէ: Հաւանաբար նոյն տարում, ինչ Զաքարէ Բ. Մեծի կինը, Խոշաքը զոյգ զաւակ է ունեցել՝ տղայ եւ աղջիկ: Տղան ստացել է Սարգիս, աղջիկը՝ Թամթա անունը:

Ամենայն հաւանականութեամբ ամիսներով աւելի վաղ ծնուել է Իւանէ Բ.ի որդի Սարգիսը: Ու որպէսզի երկու եղբայրների Սարգիս որդիներին ապագայում իրարից զանազանեն, Իւանէ Բ.ի որդին, որ ամիսներով վաղ է ծնուել անուանակոչուել է Աւագ, Զաքարէ Բ.ի որդին, որ ամիսներով ուշ է ծնուել, հոր «շահնշահ» կոչման համապատասխան ստացել է Շահնշահ փառաքանական անունը: Յետագայում երկու եղբորորդիների Սարգիս անունները մոռացուել են. նրանք Աւագ եւ Շահնշահ անուններով են գործել պատմական ժամանակահատուածում:

Որքան էլ Խոշաքի տոհմական ծագումն անյայտ է, այնուամենայնիւ գործունեութեան մանրամասներն են յայտնի: 1214ին Վասակ Խաղբակեանը կառուցել է Կեչառիսի Կաթողիկէ եկեղեցին, որի արեւմտեան դռան բարաւորին փորագրուել է. «Ես՝ Վասակ, որդի Խաղբակա շինեցի զսուրբ Կաթողիկէս յազնութիւն կենաց իմ պատրոնացն՝ Իանէ աթաբակի եւ արեան հարազատի իւրոյ Շահանշահի եւ Աագին եւ իւր մարն պատրոն»³⁵ Խոշաքին»³⁶: 1228ին եւ 1231ին Հայք-Հայաստանի գահակալ-թագաւոր Իանէ Ա.ն իր եւ կնոջ անունից հարկային առանձնաշնորհներ է կատարել Շիրակեան (Երազգաորս) գիւղի քահանաներին, ձեռնաւորներին (արհեստաւորներին): Առաջին արձանագրութեան մէջ նշուել է. «Ի թ. ՌՀէ /1228/: ... Ես՝ Աթաբէկ Իանէ եւ Խոշակս՝ Վրաց եւ Հայոց թագո/ւ/հի»³⁷, վասն յերկար կենդանութեան հարազատաց մերոց մանդապորթախոցէս Շահնշահի եւ ամիրսպասալար Աագին թողաք զգեղիս Շիրակա... բաժն»³⁸: Երկրորդ արձանագրութեան մէջ ասուում է. «Ի թ. ՌՁ /1231/: ... Ես՝ Աթաբակ Իանէ եւ Խոշակս, վերայիշխող փանս Վրաց եւ Հա/ւ/ոց եւ նովին թագո/ւ/հի վասն խնդրելոյ ի Քրիստոսէ Աստուծոյ մերո զբազում կենդանութիւն հարազատաց մերոց մանդապորթախոցէս Շահնշահի եւ ամիրսպասալար Աագ ... ազատեցաք»³⁹: Նրջիս իշխանութիւն դէպքում նշեցինք, որ նա կառավարչական իրաւունքներ է ունեցել եւ դրանով է պատճառաբանուել նրան պատրոն կոչելը: Հաւանաբար սեփականատիրական իրաւունքներ է ունեցել նաեւ Իանէ Ա.ի կինը, որ պատրոն է կոչուել: Իանէ Ա.ն մահացել է 1234ին: Խոշաք թագուհին երկար է ապրել: Նա կարելոյ դեր է ունեցել 1249ին վրաց իշխանների ապստամբութեան փորձի խնդրով մոնղոլների գայրոյթը մեղմելու գործում: Նա գնացել է մոնղոլների ղեկավար Չաղաթայի մօտ, երաշխաւորել որդու՝ Աագի հաւատարմութիւնը մոնղոլներին⁴⁰: Խոշաքը, ինչպէս որ ամուսինը՝ Իանէ Ա.ն, քաղկեդոնական էր: Նա 1213ին, ստանձնելով Զաքարէ Բ.ի որդու՝ տասնվեցամեայ Շահնշահի խնամակալութիւնը, նրան եւս «... դարձոյց յաղանդն Քաղկեդոնի»⁴¹: Խոշաքի անունը վերջին անգամ յիշուել է Զաքարէ Բ.ի որդի Շահնշահ Ա.ի Յովհաննավանքի գալթի արեւմտեան մուտքի ճակատին փորագրուած արձանագրութեան մէջ. «Ի թվիս 2է /1258/: ... այս իմ հրաման եւ արձան սահմանի Շահնշահ մանդապորթայխոցեսի, որոյո Զաքարիայի ամիրսպասալարի Հայոց մեծաց եւ Վրաց... յիշարակ հոգոյ իմ եւ Խոշաքին»⁴²: Ամենայն հաւանականութեամբ Շահնշահ Ա.ն Խոշաքի անունը յիշատակել է, քանի որ նա հօրեղծօր կինն էր եւ կրում էր «թագուհի» տիտղոս: Երբեմն այս արձանագրութեան մէջ յիշուած Խոշաքին համարել են Շահնշահ Ա.ի կինը: Սակայն յայտնի է, որ Շահնշահ Ա.ի կինը Սադուն իշխանաց իշխանի դուստր Նազուտ⁴³ իշխանուհին էր:

Սարգիս Ա. Մեծն իր աղջիկներին՝ Դոփին եւ Խորիշահին կնոթեան տալով Արցախ աշխարհի Ծար եւ Ներքին Խաչէնի թագաւորական ծագում ունեցող տէրերին, հաւատարիմ՝ իր հեռահար նպատակներին, իր խնամակալութեան տակ գտնուող աւագ եղբօր՝ Վահրամի որդուն՝ Զաքարէ Փոքրին ամուսնացրել է Ներքին Խաչէնի իշխանական երկրորդական ճիւղի ներկայացուցիչ Հասան Դեսոմեանի դուստր Խաթունի հետ: Այս ամուսնութիւնը տեղի պիտի ունեցած լինի ԺԲ դարի 80ականների վերջերին: 1191ին, Թամար թագուհու դէմ ապստամբած Գէորգի ռուսի եւ վրաց դիդեբուկների դէմ Թմբկաբերդի եւ Ագարակի ճակատամարտերում տարած յաղթանակից յետոյ, Թամար թագուհին Զաքարէ Փոքրին ժառանգական իրաւունքով շնորհել է Գագն իր շրջակայքով: Յետագայ տարիներին, Զաքարէ Փոքրը Խորեղքօրորդի՝ Զաքարէ Բ.ի ռազմական օգնութեամբ ազատագրել է Գագից արեւելք եւ հարաւ գտնուող բազում բերդեր: Այդ ժամանակ, 1180ականների վերջերին, ծնուել է Զաքարէ Փոքրի եւ Խաթունի որդին՝ Վահրամը: Նա ապագայում յայտնի կը դառնայ Վահրամ Գագեցի անունով: 1204ին Բասէնի դաշտից Խլաթի ուղղութեամբ արշաւող Զաքարէ Փոքրի գլխաւորած հայոց առաջապահ գունդը Մանազկերտի կիրճի մուտքի մօտ յայտնուել է ծուղակում եւ գլխովին ցարդուել: Հռոհուել է նաեւ Զաքարէ Փոքրը: Հօրը փոխարինել է պատանի որդին՝ Վահրամ Գագեցին:

Ներքին Խաչէնում իշխանական տարածքների համար ծաւալուած պայքարում նաեւ տոհմակիցներն էին իրար դուրս մղելու քաղաքականութիւն վարում: Տոհմի աւագ ճիւղի ներկայացուցիչը, այս դէպքում Վախթանգ Տանգիկը, ճնշումներ է գործադրել արդէն խիստ թուլացած տոհմակից Դեսոմեան տան ներկայացուցիչների դէմ: Արդիւնքում՝ Խաթուն իշխանուիւու հետ Վահրամ Գագեցու պալատ են եկել նաեւ Դեսոմեան տոհմի պայազատներ Սեւադան եւ Սենեքերիմը: Նրանք Գագում մահացել ու թաղուել են Հաղբատի Կաթողիկէ եկեղեցու բակում: Խաթուն իշխանուիւին Հաղբատի Մարիամաշէն գաւթի հիւսիս-արեւմտեան կողմում, իր հոգու փրկութեան եւ եղբայրների յիշատակին, արտաքուստ ուղղանկիւն, ներքուստ խաչածն յատակազծով փոքր եկեղեցի է կառուցել, արձանագրելով՝ «... շինեցաւ սուրբ եկեղեցիս արդեամբ Խաթունին, դպիրէ Հասանայ, յազգէ Դեսոմեանց, որ բերաւ ի Խաչէնոյ յամուսնութիւն Զաքարիա, որ տէր Գագա եւ Տաւշո, Գարդմանա եւ Տէրունականին եւ այլ գաւառաց...»⁴⁴: Խաթուն իշխանուիւին ամենայն հաւանականութեամբ եկեղեցին կառուցել է Զաքարէ Փոքրի զոհուելուց յետոյ, 1204ից յետոյ:

Խաթուն իշխանուիւու մասին որեւէ այլ տեղեկութիւն չի պահպանուել:

Վաչուտեանները Զաքարեան թագաւորական տան ամենահաւատարիմ սիւներից մէկն են եղել: Այրարատի կողմնակալութեան իշխանաց իշխան Վաչէ Ա.ի տոհմը, որ Վաչուտ պապի անունով կոչուել է Վաչուտեան: Հակառակ միա հայ տոհմիկ իշխանատների, որոնք ունէին իրն պատմութիւն, տոհմական-ժառանգական կալածքներ, որեւէ պատմական յիշատակութիւն կամ սեփականութիւն չի ունեցել նա: Վաչէ Ա.ի քրոջ՝ Վանենիի Հաղբատի արձանագրութիւնից յայտնի է, որ իօր անունը եղել է Սարգիս, պապինը՝ Վաչուտ⁴⁵: Վաչէ Ա.ն Հաղբատի նուիրատուական արձանագրութեամբ լրացուցիչ յայտնում է նաեւ մօր անունը. «Ի թուիս հայոց/ ՈԿԹ /1220/: Այս մեր գիր է Հաղբատա եպիսկոպոսիս Յոհաննիսի, որ րուաք Վաչէի՝ թողիս Վաչուրին եւ իւր կենակցին՝ Մամախաթունին... Որչափ կենդանի են՝ Վաչէի ծնողացն առնեն՝ Սարգսի եւ Կաւրաին, եւ յեր նոցա՝ :Ա:/1/ արւն Վաչէի եւ :զԱ:/1/ Մամախաթունին»⁴⁶: Յայտնի չէ Վաչուտը, նրա որդի Սարգիսը, վերջինիս կին Կատան հայկական ո՛ր տոհմից են սերել: Միայն կարող ենք փաստել, որ Զաքարեան Հայաստանում նրանք նոր՝ Վաչուտեան անունով տոհմի հիմնադիր են դարձել:

1205ին Այրարատի կողմնակալ-փոխարքայ նշանակուած Վաչէ Ա.ի կողմից 915-21ին կառուցուած Աղթամարի տաճարի պատին առկայ Արծրունեաց ճիւղերից մէկին պատկանած է՛գ արծուի մէջքին կանգնած արու արծուի պատկեր-զինանշանի որդեգրումը, Հիսիսային Հայաստանի տաճարածքում Մակարավանքի Կաթողիկէ եկեղեցու բեմառաջի աստղի մէջ 1205ին Վաչէ Ա.ի որդեգրած զինանշանի զետեղումը, ապա 1220ականներին նրա կողմից այդ նոյն եկեղեցու գաւթի կառուցումը, Նոր Վարազավանքի Կաթողիկէ եկեղեցու շքամուտքի զարդագօտու մէջ Վաչէ Ա.ի զինանշանի զետեղումը, հակառակ ընդունուած կարգի, Վաչէ Ա.ի կողմից իր աւագ որդուն պապ Վաչուտի անուան փոխարէն Քուրդ անուն տալու փաստը, որ Մահկանաբերդի տիրոջ, Թիֆլիսի քաղաքապետ Ամիր Քուրդ Արծրունու անունն էր, գալիս են հաստատելու, որ Վաչէ Ա.ն ծանրակշիռ բարեկամական-տոհմական կապ է ունեցել Ամիր Քուրդ Արծրունու հետ: Ամենայն հաւանականութեամբ Վաչէ Ա.ի պապ Վաչուտ Ա.ն սերել է Վասպուրականի Արծրունիների երկրորդական ճիւղերից մէկից, Վասպուրականից հեռացած Արծրունիների հետ գաղթել եւ հաստատուել է Տաշիր-Ձորագետում Կիւրիկեան (Քազրատունի) թագաւորների կողմից Արծրունիներին տրուած Մահկանաբերդում: Վաչուտ Ա.ի որդի Սարգիսը ծառայել է Մահկանաբերդի Վահրամ Արծրունու հեծելազօրում, ապա՝ Արծրունիներին փեսայացած Զաքարէ Ա.ի որդի Սարգիս Բ. Մեծի հայկական քանակում: Բարձրացել է զինուորական աստիճանակարգով: Այդ ուղիով տարել է նաեւ որդուն՝ Վաչէ Ա.ին, ով Սարգիս Բ.ի որդիների՝ Զաքարէ Բ. շահնշահի, Իւանէ Ա. զօրավարի օրօք, նրանց նուիրուած զօրական է դարձել եւ, հաւատարիմ ծառայութեան համար, 1205ին նշանակուել է

Այրարատի կողմնակալ-փոխարքայ: Կարծում ենք, որ մինչ այդ նշանակումը Վաչե Ա.ն նշանակալի դիրք է ունեցել բանակում, ռազմավարի իր դերը հնարաւորութիւն է տուել նրան մեծ հարստութիւն կուտակել: Շուտով նա իր կուտակած հարստութիւնը վերածել է բերդ-ամրոցների, հոյաշէն եկեղեցիների, անգամ՝ յաւակնել Զաքարէ Բ. ի ստեղծած Հայք-Հայաստանում ամենայայտնի եկեղեցաշինարար-քարերարի տիտղոսին:

Վաչե Ա.ի պետական, մշակութային գործունեութիւնը թերի կը լինի առանց կնոջ՝ Մամախաթուն իշխանուհու կերպարի: Զաքարեան շրջանի ոչ մի ամուսնական զոյգ այնպիսի միասնութեամբ հանդէս չի եկել, ինչպէս Վաչե Ա.ն եւ Մամախաթունը: Առանց Մամախաթուն իշխանուհու գործակցութեան Վաչե Ա.ն որեւէ գործ չի իրականացրել:

Ինչպէս Վաչե Ա.ի, այնպէս էլ Մամախաթուն իշխանուհու տոհմական պատմութիւնից միայն հօր ու մօր անուններն են յայտնի: Հռոմոսի գրատան արձանագրութեան մէջ Մամախաթուն իշխանուհու հօր անուն մասին յայտնում է. «*ՈՒՇ /1229/: Շնորհիւն Քրիստոսի: Ես՝ Վաչե որդի Սարգսի եւ ամուսին իմ Մամախաթուն՝ դուստր Ապուսէրիին, շինեցաք զՆշխարապումս ի վանս Հռոմոսի...»*⁴⁷: Տեղերի եկեղեցու մի կիսանդձ արձանագրութեան մէջ յիշում է մեծ իշխան Ապուսէրի անունը, որը պատահական անուն չէ եւ պատահաբար չի յայտնուել այնտեղ: Ամենայն հաւանականութեամբ Հռոմոսից յայտնի նոյն Ապուսէրին է⁴⁸: Թեղենեաց վանքի գալթի բարաւորին Մամախաթունի անունից փորագրուել է. «*ԹՎ/ին/ ՈԿ /1211/: Ես՝ Մամախաթունս, ամուսին Վաչէի, դուստրի արարի քոջանի արծաթի եւ այլ արդիւնս եւ ելուս ս/ուր/ք ուխտս Թեղենե/ա/ց...»*⁴⁹: Մամախաթունի նուիրատուական արձանագրութիւնում հնագէտ-վիճագրագէտ Գագիկ Սարգսեանը Մամախաթունի հօր անունը թեականով կարդացել է «Հասան»⁵⁰: Հնարաւոր է Մամախաթունի հայրն ունեցել է Ապուսէր-Հասան երկանուն: Մամախաթունի մօր անունը փորագրուած է Տեղերի եկեղեցում. «*Ի Նաակապտե/ա/ց ս/ուր/ք Տիրամարն մապուցանի պապարագ ամենայն խորանս Վախախին, մալր Մամախաթունին՝ շինողի եկեղեցոյս*»⁵¹:

Վաչե Ա.ն եւս, ինչպէս դարաշրջանի միւս իշխանաւորները, ամուսնական պատահական ընտրութիւն չէր կարող կատարել: Այդ ընտրութիւնը եւս պիտի նրա անմիջական սիւզերէնների՝ Զաքարէ Բ. շահնշահի եւ Իւանէ Ա. զօրավարի հետ համածայնեցումը լինէր: Ամուսնութիւնն ամենայն հաւանականութեամբ տեղի է ունեցել Անբերդի ազատագրումից յետոյ 1196-97ին: Պէտք է ենթադրել, որ այդ ամուսնութիւնից նրանց աւագ որդի Քուրդը (ապագայ իշխանաց իշխան, Այրարատի կողմնակալ Քուրդ Ա. Վաչուտեան) ծնուել է ամենաուշը դարավերջին, քանի որ նա 1221ին, Աստուածատուր վարդապետի Յովհաննան վանքի արձանագրութեան մէջ, յիշուել է կողմնակալութեան ամիրայի պաշտօնում⁵². «*ի կողմնակալութեան մերո նահանգի ամիր Քրդին, որդո Վաչէի, ՈՒ /1221/ թին*»⁵³: Վաչե

Ա.ն եւ Մամախաթունը Կեչադիսի 1213ի նուիրատուական արձանագրութեան համաձայն ունեցել են երկու որդի՝ Քուրդ եւ Վաչուտ անուններով: Վաչուտ Բ.ի մասին ոչինչ յայտնի չէ, բացի նրանից, որ նրա որդի Վաչէն (հերթականութեամբ կը լինի Վաչէ Գ.) 1240ականների կէսերին արձանագրութիւն է թողել պապի՝ Վաչէ Ա.ի Սանահինի համալիրում կառուցած մեծ գաւթում: Նա Շէնգաւիթում ունեցած Բաղալի այգին⁵⁴ նուիրել է վանական համալիրի Սուրբ Աստուածածին եկեղեցուն եւ պատարագ ստացել եղբոր՝ Դաթի համար: Հաւանաբար եղբայրն այդ ժամանակ մահացել է⁵⁵: Վաչէ Ա.ի միւս որդին՝ Քուրդ Ա.ն դարձել է ԺԳ. դարի հայ իրականութեան ամենայայտնի գործիչներից մէկը: Պատմիչ Վարդան Արեւելցին *Մեկնութիւն Դանիէլի Վարդանայ Արեւելցոյ* երկում գրել է. «Աղաչեմ... ողորմութիւն եւ թողութիւն մեղաց եւ ամենայն երախտաւոր պարոնացն Սաղոնին, Սմբատա, Քրդին, Պոռաշայ, եւ ամենայն բնակաց երկրիս»⁵⁶: Խոսքը Սաղուն Բ. Արծրունու, Սմբատ Օրբէեանի, Քուրդ Ա. Վաչուտեանի, Պոռշ Ա. Խաղբակեանի մասին է:

ԺԳ. դարի ոչ մի այլ տիրուի Մամախաթուն Վաչուտեանի ակներեւութիւնը չունի: Կողմնակալ-փոխարքայ, իշխանաց իշխան Վաչէ Ա.ն եւ Մամախաթունը միասին հովանաւորել են Սանահինի մեծ գաւթի⁵⁷, Կեչադիսի Սուրբ Նշան եկեղեցու⁵⁸, Տեղերի Կաթողիկէ եկեղեցու⁵⁹, Սաղմոսավանքի Կաթողիկէ եկեղեցու⁶⁰, Յովհաննավանքի Կաթողիկէ եկեղեցու⁶¹, Հռոմոսի գրաւան⁶² կառուցումը, նուիրատուութիւններ են կատարել Հաղբատի⁶³, Հառիճի⁶⁴ միաբանութիւններին:

Մամախաթուն իշխանուիին տիրապետել է անձնական միջոցների կամ այդ միջոցները նրան յատկացրել է իշխանաց իշխան Վաչէ Ա. Վաչուտեանը եւ նա իր անունից կառուցել է Թեղենեաց վանքի գաւիթը: Գունագեղ գմբեթով գաւթի կառուցումն աւարտուել է 1211ին⁶⁵: Այդ շինութիւնը Վաչուտեանների իրականացրած առաջին կառոյցն էր Այրարատի կողմնակալութեան տարածքում, որ Վաչուտեան տան ներկայացուցիչը իինգ կամ վեց տարի առաջ ժառանգական իրաւունքով ստացել էր Զաքարէ Բ. շահնշահից: Թէեւ 1213ի եւ 1218ի երկու արձանագրութիւններով Վաչէ Ա. իշխանաց իշխանը յայտնել է, որ Մամախաթունի հետ կառուցել են Տեղերի Կաթողիկէ եկեղեցին եւ գաւիթը, բայց Տեղերի 1232ի աւարտական արձանագրութեան մէջ Մամախաթունը միայն իրեն է վերագրել Տեղերի համալիրի կառուցումը. «*ՈՁԱ /1232/: ... ես՝ Մամախաթունս, շինեցի զեկեղեցիքս զմեծ եւ զփոքր եւ զժամապունս յիշարակ ինծ եւ առն իմոյ Վաչէի...*»⁶⁶: 1229ին Մամախաթունը Անիում ունեցած ծիթհանը նուիրել է Սանահինի միաբանութեանը. «*Ի թուիս ՈՀՀ /1229/: ես՝ Մամախաթուն, ամուսին Վաչէի, երբու զիմ գանձագին ծիթհանքն նանի գիշխանի ակն յԱ/սպուտ/աւծիւնս*»⁶⁷: Հաւանաբար նոյն ժամանակ նա մէկ այլ ծիթհանի մէկ ակը նուիրել է Հաղբատի միաբանութեանը. «*եւ՝ Մամախաթուն, րբու*

զծիթահանքն, որ ի Վարդամա որդեացն գնեցի, զմին ակն, որ երբ ժամն մեր լինի, զսեղանն մեր անուն դնեն»⁶⁶:

Ըստ աւանդութեան ԺԳ. դարի մեծագոյն բարեգործ Մամախաթուն իշխանոսին մահից յետոյ թաղուել է ոչ թէ ամուսնու մօտ՝ Յովհաննավանքի Կաթողիկէ եկեղեցում, այլ իր կառուցած Տեղերի Կաթողիկէ եկեղեցում:

Քուրդ Ա. Վաչուտեանը մի երկար հետք է թողել հայոց 1200-70-ականների պատմութեան մէջ: Մինչեւ հօր մահը (գուցէ 1233/4) համազահակալել է հօրը, եղել է Այրարատի կողմնակալութեան ամիրը⁶⁹: Հօր մահից յետոյ Զաքարէ Բ.ի որդի եւ յաջորդ Շահնշահ Ա.ի կողմից հաստատուել է Այրարատի կողմնակալ-փոխարքայ: Մինչեւ կողմնակալ-փոխարքայ դառնալը, մօտաւորապէս 1215-17ի միջեւ ամուսնացել է Դսեղի Համազասպեան-Մամիկոնեան տոհմաւագ Մարգպան Մամիկոնեանի դստեր՝ Խորիշահ Մամիկոնեանի հետ: Խորիշահ իշխանուիւ անունը առաջին անգամ յիշուել է Կարբիի բերդում տեղադրուած խաչքարի պատուանդանին, որը թերեւ Քուրդ իշխանաց իշխանը պատուիրել է կողմնակալ-փոխարքայ դառնալու առթիւ. «Ի թուիս ՈՁԴ /1235/: Յիշխանութեան Շահնշահի, որդոյ Զաքարիայի: Ես՝ Քուրդ, որդի Վաչէի եւ ամուսին իմ Խորիշահ»⁷⁰:

Քուրդ Ա.ն իր բոլոր ձեռնարկումներին, հօր ու մօր օրինակով, մասնակից է դարձրել կնոջը՝ Խորիշահին: Նրանք միասին, ծնողների օրինակով, նուէրներ են տուել Սանահինի վանքին, որտեղ խաչքար է կերտուել ի բարոյաստութիւն իրենց եւ տեղադրուել հօր՝ Վաչէ Ա.ի կառուցած մեծ գաւթի դրսի սինաշարի դիմաց. «Նշանդ Աստուծոյ, ասկեւա Քրդի, Խորիշահի եւ զաւակաց»⁷¹: Նրանք նուէրներ են տուել Մամախաթունի կառուցած Թեղենեաց վանքի գաւթին⁷²: Ամուսիններով, մինչեւ 1240, Նիզ (Ապարան) գաւառի Վարդենիս գիւղում մոնղոլների կողմից անբերուած Անբերդի փոխարէն կառուցել են մայրաքաղաքային Վարդենիս դղեակը⁷³, 1241ին նորոգել Սաղմոսավանքի Կաթողիկէ եկեղեցին եւ գաւիթը⁷⁴, 1244ին կառուցել Աստուածընկալի Կաթողիկէ եկեղեցին, մինչեւ 1250ը՝ նաեւ գաւիթը⁷⁵, նոյն ժամանակներում կառուցել Եղիպատրուշի եկեղեցու գաւիթը⁷⁶, 1250ին՝ Յովհաննավանքի գաւիթը⁷⁷, 1255ին՝ Սաղմոսավանքի գրատունը⁷⁸:

Քուրդ Ա.ն պայքարել ու հասել է նրան, որ հայոց Կոստանդին Բարձրբերդցի կաթողիկոսը, 1243ին, ի բաւարարումն Վաչուտեանների պահանջի, իրամանով հիմնել է Անբերդի եպիսկոպոսական անկախ թեմը՝ Յովհաննավանք կենտրոնով⁷⁹:

Քուրդ Ա.ն եւ Խորիշահն հիւրընկալել են Արցախի ինքնակալ արքայ Հասան Զալալ Խաչէնցին (1240ին): Նա գումար է նուիրել Յովհաննավանքի եկեղեցուն, որի համար «սպասատորք սորա» մէկ պատարագ են խոստացել նրան⁸⁰: Վաչուտեաններին այցելել է Վայոց ձորի կողմնակալ, իշխանաց իշխան Պոռշը (1247ին): Նա մօր արեւշատութեան համար

Յովհաննավանքին նուիրել է մեծ գումար, որի համար ստացել է 10 պատարագ⁸¹: Վարդան Արեւելցին 1268ին իր բարձր տիպի դպրոցը Խոր Վիրապից տեղափոխել է Սաղմոսավանք, ապա՝ նոյն կողմնակալութիւնում գտնուող Թեղենեաց վանք⁸²: Նոյն թուականին Այրարատի տէրերն հիւրընկալել են Գէորգ Սկետացին⁸³:

ԺԳ. դարի այս նշանաւոր զոյգին հիւր է եղել Կիլիկիայի հայոց Հեթում Ա. թագաւորը (նա Կարակորում գնալիս 1254ին եւ վերադարձին՝ 1255ին, ամիսներով մնացել է Վարդենիսի դղեակում)⁸⁴: Գանձակեցին գրել է, որ Հեթում Ա.ի վերադարձից յետոյ Վարդենիսի դղեակ են եկել բարձրաստիճան իշխանաւորներ, հոգեւորականներ, ընդ որում ոչ միայն հայեր, այլեւ ուրիշ քրիստոնէայ ազգերի ներկայացուցիչներ. «Ապա եկին առ նա (Հեթում Ա. թագաւորի մօտ - Տ. Պ.) եպիսկոպոսք եւ վարդապետք եւ քահանայք եւ իշխանք քրիստոնէից... Ընդունէր զամենայն ազգաց քրիստոնէայս եւ աղայէր սիրով կալ ընդ միմեանս»⁸⁵: Գանձակեցու հաղորդումից երեւում է, որ ինքն եւս եղել է դղեակում. «Բազում իրս... պարմէր նա մեզ»⁸⁶:

Քուրդ Ա.ն եւ Խորիշահը մինչեւ 1240ը ունեցել են Վաչէ, Դաւիթ (վաղամեռիկ), Հասան, Դաւիթ, Տայիր անուններով տղաներ եւ Մամայսթթուն (վաղամեռիկ), Մամբան անուններով աղջիկներ: Տարբեր կերպ են դասաւորուել նրանց ճակատագրերը: Մինչեւ 1261 թոռ Վաչէն (Վաչէ Բ.) համագահակալել է Քուրդ Ա.ին: Այդ թուականին նա մահացել է: Նա անելի վաղ մահացած Դաւիթ եղբոր յիշատակին մի փոքրիկ թաղակապ եկեղեցի է կառուցել Սաղմոսավանքի համալիրում: Ամուսնացել է ոմն Մամայսթթուն իշխանուհու հետ: Վաչէ Բ.ի մահից յետոյ իշխանական գահ են բարձրացել նախ Հասան, ապա Դաւիթ որդիները: Հասան իշխանը ամուսնացել է Ուբանանց տոհմից Արուս Խաթունի հետ: Մամբան դուստրը ամուսնացել է Արցախի Ծարա ճիւղից Հասան Բ. իշխանաց իշխանի հետ եւ ծնել այդ տոհմի հզօր իշխաններից մէկին Գրիգոր Բ. իշխանաց իշխանին եւ Դադի ու Խաղայի վանքերի առաջնորդ Յովհաննէս եպիսկոպոսին:

Խորիշահ իշխանուհու հետ Դսեղից Այրարատի կողմնակալութեան մայրաքաղաք էին եկել նաեւ նրա ծառայականները՝ Մալիքան եւ Անիփան⁸⁷, ինչպէս նաեւ Համագասպ անունով մի փոքրիկ տղայ, որ Յովհաննավանքի հոգեւոր դպրանոցում կրթուել ու աստիճանակարգով բարձրացել է 1260ականներին նշանակուել է Անբերդի թեմի առաջնորդ: Այս Համագասպ արքեպիսկոպոս Մամիկոնեանը⁸⁸ եղել է յուժ ուսումնասէր ու բազում ձեռագրեր է պատուիրել, որոնցից եօթը պահպանուել ու գտնուում են Մատենադարանում: Եպիսկոպոսական գահի վրայ նրան փոխարինել է Ներսէս եպիսկոպոս Մամիկոնեանը⁸⁹:

Խոխանաբերդի կամ Ներքին Խաչէնի թագաւոր Վախթանգ Տանգիկը 1214ին մահացել է: Նա կտակով գահը թողել է որդուն՝ ԺԳ.

դարի ապագայ խոշորագույն ռազմաքաղաքական գործիչ, դիանագետ, ինքնակալ⁹⁰, արքայ⁹¹, թագաւոր⁹², կողմնակալ⁹³ Հասան-Ջալալ Ղուլյին եւ նրան խնամակալ է նշանակել կնոջը՝ Խորիշահ իշխանուհուն⁹⁴։ Փաստօրէն մինչեւ Հասան Ջալալը լիիրաւ տիրակալ կը դառնար, երկրամասը կառավարել է մայրը՝ Սարգիս Բ. Մեծի դուստր Խորիշահ իշխանուհին։ Հասանաբար մինչեւ 1220ականների կեսերը իշխանուհին ամուսնացրել է որդիներին՝ Հասան Ջալալին, Ջաքարէին, Իւանէին, աղջկան՝ Մարինէին։

Խորիշահին Հասան Ջալալին ամուսնացրել է Բաղլաց թագաւորի թոռ Մամբանի հետ։ Սա փաստում է Հասան Ջալալի Գանձասարի 1240ի, 1251ի Մամբան իշխանուհու Վաճառ գիւղում կառուցած մատուռի, Հասան Ջալալի Գանձասարի գաւթի 1261ի շինարարական արձանագրութիւնների մէջ «*թոռն Բաղլաց թագաւորին*»⁹⁵ ձեւով։ Սա հին բարեկամութեան թարմացում էր։ Հասան Ջալալի պապի՝ Հասան Մեծի հայր Վախթանգը եւս նոյն Բաղլաց թագաւորի դուստր Մամա իշխանուհու հետ էր ամուսնացել։

Մամբանը բազում առաքինութիւններ ուներ, բարեսէր եւ հայրենապաշտ իշխանուհի էր։ Սկեսուրը՝ Խորիշահը, համոզուելով, որ արժանաւոր հարս ունի՝ ճգնելու է գնացել Երուսաղէմ։ Մամբանը ամուսնու հետ շարունակել է Գանձասարի Սուրբ Յովհաննէս Մկրտիչ եկեղեցու կառուցումը, որի օծումը տեղի է ունեցել 1240ի Վարդավառի օրը՝ եօթհարիւրից աւելի նշանաւոր այրերի մասնակցութեամբ։

Մոնղոլական ներխուժումն ու հայոց անկախ պետութեան վերացումը, Հասան Ջալալին էլ են դարձրել նրանց ենթակա։ Իր երկրամասն աւերումից փրկելու համար Հասան Ջալալն իր աագ դուստր Ռուզուքանին կնութեան է տուել մոնղոլ զօրավար Չարմաղանի որդի Բորա Նուինին⁹⁶։ Ամուսնութիւնը տեղի է ունեցել 1236ին։

Այդ թուականից սկսած Հասան Ջալալը մոնղոլական բանակի կազմում, իր զօրաբանակով, մասնակցել է արշաւանքների Փոքր Ասիայում։

Ամուսնու բացակայութեան Մամբան թագուհին Կաթողիկէ եկեղեցու արեւմտեան կողմում կառուցել է եկեղեցու գաւիթը։ Գանձակեցին գրել է, որ գաւիթը բացառապէս կառուցել է. «... *կին նորա Մամբան*»⁹⁷։

1248ին թագազարմ ամուսինները նորոգել են մոնղոլների կողմից աւերուած Կեչառիսի եկեղեցական շէնքերը։ Այստեղ փորագրուած նուիրատուական արձանագրութեան մէջ Հասան Ջալալը Մամբանին պատուել է «*դուստր Բաղլաց թագաւորին*» տիտղոսով⁹⁸։

Հասան Ջալալը անսահմանօրէն սիրել եւ պատուել է կնոջը։ Գանձասարի կաթողիկէ եկեղեցու շինարարական արձանագրութեան մէջ հոգեւոր դասից պահանջել է «*Յիսնակամութն մինչ ի յայրնութիւն Մամբանա՝ իմ կենակցին*» պատարագ մատուցել։

Հասան Ջալալը պատուիրակութեամբ այցելել է Ոսկէ Հորդա եւ բանակցել Բաթու խանի որդու՝ Սարթախի հետ։ Պատուիրակութեան կազ-

մում են եղել նաեւ Հեռույ Գրիգոր Տղան, պատանի Դեսուս իշխանը, Մարկոս վարդապետը, Գրիգոր եպիսկոպոսը⁹⁹:

1255ին Հասան Ջալալն իր տարածքների խնդիրները լուծելու նպատակով գնացել է Կարակորում՝ Մանգու խանի մօտ: Նրան ուղեկցել են կինը, որդին՝ Աթաբէկը: Կարակորումում բոլոր հարցերը բանակցութիւնների արդիւնքում լուծուել են յօգուտ Հասան Ջալալի եւ 1260ին ընտանեօք վերադարձել են: Հասան Ջալալը գործի բերումով մնացել է Թաւրիզում: Կինն ու որդին վերադարձել են Խոխանաբերդ: Երբ ամիսներ յետոյ Հասան Ջալալը հասել է Խոխանաբերդ՝ Մամքանին մահացած է գտել: Նրա մահից մէկ տարի անց՝ 1261ին մոնղոլ հարկահան Արղունը Ղազուինում դաժանութեամբ յօղակոտոր է արել ու յօշոտել Հասան Ջալալին: Որդին՝ Աթաբէկը հօր մասունքները տեղափոխել եւ հողին է յանձնել Գանձասարի գաւթի տապանատանը:

Մամքան իշխանուհու մահը ցնցել է Հասան Ջալալին: Նա հօր ու մօր 1212ին պատուիրած Աւետարանի 8բ եւ 9ա էջերին ինքնագիր յիշատակաբանով սգացել է կնոջ մահը.

Ես՝ Հասան Ջալալ Դալա, գնացի յարեւելս առ արքայն նեւրողաց... ես եւ ամուսին իմ Մամքան եւ րեառնաւորոյ մանուկս իմ Աթաբակ չոգաք ընդ արեւելս հիւսիսոյ եւ ես ընդ եզր աշխարհի գնացի առ թագաւորն, որ Մանգու խանն: Ես յամեալ զամս հինգ, դարձաւ ի րուն, նոյնպէս Մամքան եւ Աթաբակն դարձան: Եւ նոքա ժամանեալ ի տեղի իւրեանց, եւ ես ի Թաւրէժ յամեալ, յորամ եւ արիասական մահ ի վերա հասեալ փոխի Մամքան ի Քրիստոս: Եւ ես գտի զպայծառ տուն իմ լի սգով արտասուաւք անմխիթարելի, զի նա էր ամենայն զարաց եւ հեծելոց, նաեւ եկեղեցոյ եւ քահանայից սփոփիչ եւ մխիթարութիւն: Արդ ի թվին Հայոց 2Ժ /1261/ ետու զՍուրբ Աւետարանս ծաղկազարդ յիշատակ աստուածաւէր տիկնոջն Մամքանայ ի մեր Լուսաւորիչ սուրբ աթոռն Աղուանից, ի հոգետր տէրն Ներսէս, որ այժմ բարեհամբաւ ունի զաթոռն սուրբն եւ առաւել քան զսուրբս: Արդ աղաչեմ զձեզ սուրբ հայրք եւ ընթերցողք, որ զյիշատակս կարդայք, լի բերանքվ ասասցիք զտիեզերս, նորոգէ եւ միաւորէ զաստուածաւէրն Մամքան, ու դասէ ի դաս ընտրելոց քոց, բարեխաւութեամբ արարչագործ կամաց քոց, եւ աղաչանաւք սրբոց աստուածածնիդ եւ ամենայն սրբոց քոց դասէ եւ պայծառացոյ ընդ սուրբս քո ընդ նմին...¹⁰⁰:

Հասան Ջալալը եւ Մամքանը ունեցել են Աթաբակ անունով տղայ, Ռուզուքան, Մամախաթուն, Մինախաթուն անունով աղջիկներ: Ռուզուքանը Բորա Նուփին կինն էր, Մամախաթունը՝ միջնադարի անուանի վաճառական Ումեկ Մանազկետրոցու երկրորդ¹⁰¹, Մինախաթունը՝ Սինիքի կողմնակալ-փոխարքայ Տարսայիճ Օրբէլեանի երկրորդ կինը¹⁰²:

Մահկանաբերդի Արծրունիները

Մահկանաբերդի Արծրունիները Վասպուրականի Արծրունեաց հզօր թագաւորական ընտանիքի ճիւղերից էին: Նրանք թագաւորութեան ան-

կումից յետոյ, երկրամաս ներխուժած քրդական հրոսակների ճնշումներին չդիմանալով՝ հեռացել էին հիւսիս-արեւելք ու Լոռու Կիւրիկեան թագաւորներից բնակատեղի էին ստացել Մահկանաբերդն ու Կայէն գաւառը շրջակայ հողերով: Նրանք պահպանել էին իրենց հեծելագօրը եւ երբ վրաց թագաւորները, սելջուկեան ամիրայութիւնների դէմ պայքարի քողի տակ, գրաւել էին Լոռու թագաւորութեան հողերն ու վերացրել հայոց այդ վերջին թագաւորութիւնը, Մահկանաբերդի տէր Վահրամ Արծրունին իր հեծելագօրով ծառայութեան էր անցել վրաց թագաւորի մօտ, նշանակուել Տփղիսի շահաբ (քաղաքապետ): Յատկապէս առաջադիմել է նրա որդի Վասակ իշխանաց իշխանը: Նա տոհմի ժառանգական արտօնութիւն էր դարձրել Տփղիսի եւ Քարթլիի էրիսթաւի՝ ամիրայից ամիրայի եւ արքունի գանձապետի տեղակալի՝ «նուցվալի մեճուրճլէթ-ուխուցէս»ի պաշտօնները, եղել է Վիրքի Դաւիթ Ե. թագաւորի (1154-55) սիրելին: Դաւիթ Ե. թագաւորը նրան դեսպանել է Մաճնաբերդի Կիւրիկէ Գ. (1145-70) թագաւորի մօտ բանակցելու եւ անգամ պատրաստ է եղել Լոռու թագաւորութեան նախկին հողերն ու մայրաքաղաքներ Շամշուղէն եւ Լոռէ Բերդը վերադարձնել տիրոջը՝ Կիւրիկէ Գ.ին: Այս լուր զայրացրել է վրաց դիւղեբույններին¹⁰³, յատկապէս հայ Մամիկոնեաններից սերած, վրացացած Օրբէլեան իշխաններին¹⁰⁴, որոնք այդ ժամանակ Լոռու Թագաւորութեան հողերի ու մայրաքաղաքի տէրերն էին: Եւ նաեւ նրանց գործակցութեամբ կազմակերպուել է Դաւիթ Ե. թագաւորի թունաւորումը: Վիրքի գահին մէկ տարի ծեսականօրէն նստել է Դաւիթ Ե.ի անչափահաս որդի Դեմետրին: Մէկ տարի անց գահը գրաւել է եղբայրը՝ Գէորգի Գ. թագաւորը (1156-84): Նա հակակրանք է ունեցել Վասակ Արծրունու հանդէպ, իբրեւ թէ Դաւիթ Ե. թագաւորի օրօք նա բաւարար յարգալից չի եղել իր հանդէպ: Վասակ իշխանաց իշխանը, վախենալով թագաւորի դաւից, եղբայրների՝ Ամիր Քրդի եւ Ամիր Սարգսի հետ հեռացել է Կարնոյ երկիր: Նրանց սիրով է ընդունել Կարնոյ երկրի ամիրա Սալտուխը՝ ծառայութեան է նշանակել, տուել է գիւղեր ու հողեր: Այստեղ Վասակ իշխանաց իշխանը մահացել եւ թաղուել է քաղաքի Սուրբ Աստուածածին եկեղեցում՝ «գրոշ նորա եւ զփող եւ զիշխանութիւն՝ րոնեալ նորօր նորա՝ որ կոչեցնեալ էր Քուրդ, եւ կայր նա անդ մեծաւ պապոտով»¹⁰⁵: Այս ժամանակներում է Կիւիկիայից վերադարձող Մխիթար վարդապետը՝ ապագայ Մխիթար Գօշը, հիւրընկալել նրա տանը: Գէորգի Գ.ն մահացել է 1184ին: Գահ բարձրացած Թամար թագուհին 1185ին, հայոց եւ վրաց գօրքի ամիրսպասալար, պետական խորհրդի՝ դարբագիի անդամ է նշանակել հայոց բանակի ամիրսպասալար Սարգիս Բ. Ջաքարեանին: Վերջինս միջնորդել է Թամար թագուհուն՝ ներում շնորհել աներորդուն, Ամիր Քուրդ Արծրունուն: Թամար թագուհին կատարել է նրա խնդրանքը: Թամար թագուհին Ամիր Քուրդին է վերադարձրել Արծրունեաց տոհմից իր հօր խլած Մահկանաբերդն ու Կայէն գաւառը, բարձրացրել նրա պաշտօնը, նշանակել Վիրքի պետական

խորհրդի՝ «դարբագլի» անդամ, արքունի գանձարանապետ՝ «մեծուրճլեթ-ովսուցես», ինչպես նաև Տփղիսից հարաւ-արեւելք ընկած հողերը Ռուս-թաւի քաղաքով եւ Արագվի գետի ծախսափնեայ շրջանը՝ ժինվանի քաղաքով նրան է տուել: 1191ին Ամիր Քուրդը հարել է Թամար թագուհու առաջին ամուսնու՝ Գեորգի ռուսի կազմակերպած խռովութեանը, որի պատճառով պաշտօնազրկուել եւ հեռացել է Մահկանաբերդ: Ամիր Քուրդի Կարնոյ աքսորը տեւել է մօտաւորապէս 1156-84՝ շուրջ 28 տարի: Այդ ժամանակ է հայոց բանակի ամիրսպասալար Սարգիս Բ.ը ամուսնացել նրա քրոջ՝ Սահակդուխտի հետ: Ամենայն հաւանականութեամբ հենց այդ տարիներին են ծնուել Ամիր Քուրդի դուստրը՝ Արզու խաթունը, որդիները՝ Սադունը եւ Դաւիթը:

ԺԲ. դարի 80ականների վերջերին, աքսորից վերադառնալուց յետոյ, պաշտօնում վերականգնուած Տփղիսի ու Քարթլիի ամիրապետ, Վիրքի պետական խորհրդի անդամ, արքունի գանձարանապետ Ամիր Քուրդ Արծրունու¹⁰⁶ հետ բարեկամութիւնը նշանակալի էր ցանկացած տոհմի համար: Եւ նրա դստեր՝ Արզու խաթունի ծեռքը խնդրեց Վերին խաչէնի տէր Վախթանգ Հաթերքցի թագաւորը:

Վախթանգ Հաթերքցին Հասան Մեծի որդին էր, սերում էր Առանշահիկների թագաւորական գարմից, իրեն համարում էր թագաւոր եւ խաչէնի միւս երկու ճիւղերի աւագ¹⁰⁷:

Վախթանգ Հաթերքցու եւ Արզու խաթունի ամուսնութիւնը հաւանաբար կայացել է 1180ականների երկրորդ կեսին: Այդ ժամանակ հայ-վրացական միացեալ բանակի կազմում գործող հայոց հեծեալ բանակի ամիրսպասալար Սարգիս Բ.ն՝ Ջաքարէի որդին, թէւ պաշտօնով զիջում էր Ամիր Քուրդին, բայց արդէն յաւկնում էր Հայաստանի եւ Վիրքի յարաբերութիւններում գերակայ դիրքի: Նա վաղուց փեսայացել էր Արծրունեաց տոհմի հետ՝ դառնալով Ամիր Քուրդի քրոջ ամուսինը:

Քաղաքական յաւակնութիւններ ունեցող Սարգիս Բ.ն յենարանի խիստ կարիք ունէր: Արծրունեաց տոհմաագը՝ Ամիր Քուրդը, Սարգիս Բ.ին օգնելու նպատակով, հաշտառելով միասնական շահերը համադրելու, կիսանկախ, սեփական ռազմական ուժերը պահպանած Արցախի տէրերին համահայկական ռազմաքաղաքական դաշտ բերելու անհրաժեշտութիւնը, դստերը՝ Արզու խաթունին տուել է Վախթանգ Հաթերքցուն:

Արզու խաթունը կարեւորագոյն դերակատարութիւն է ունեցել ոչ միայն Հաթերքի, այլեւ Արցախ աշխարհի կեանքում: Նա, ամուսնու, տեղերի՝ Սմբատի, Վասակի, Գրիգորի, Խոյրանի, Գրիգորէսի օժանդակութեամբ իր յարկի տակ տեղ է տուել, հովանաւորել իւր միջնորդութեամբ Գանձակից հեռացած եւ խաչէնում հանգրուանած միջնադարի մեծ մտածող, կրօնագէտ, իրաւագէտ, առակագիր, հայ եկեղեցու դաւանանքի անխնայ պաշտպան, Հայոց Արեւելից կողմի հոգեւոր առաջնորդ Մխիթար Գօշ¹⁰⁸

վարդապետին: Վերջինս իր ժամանակիցներից մտքի թռիչքով առաջ է անցել, զգացել է, որ Զաքարեանները ձգտում են պետության կերտել, իսկ դրա հիմնադրումը դատական համակարգի ձևաւորումը պիտի լինէր եւ 1184ին ձեռնարկել է դատաստանագրքի ստեղծման գործին: 1185ին Թամար թագուհին Սարգիս Բ. Մեծին է յանձնել հայ-վրացական բանակի ամիրսպասալար-ընդհանուր հրամանատարին տրուող կալուածքը՝ Լօռի-Տաշիրը: Նա երկրամասին շնորհել է «սամթաւօ» (ինքնուրոյնացած), իսկ Սարգիս Բ. Մեծին՝ «մթաւար» (թագատր) կարգավիճակ՝ ընդունելով երկրամասի անկախութիւնը միջազգային-իրաւական ձեւաչափով¹⁰⁹:

Հենց Հաթերքում, Մխիթար Գօշը գրել-աւարտել է իր *Դաւրաստանագիրք Հայոց* օրէնքների ժողովածուն¹¹⁰: Գօշի *Դաւրաստանագրքում* կանոնակարգում է պետութեան հասարակական-տնտեսական յարաբերութիւնների իրաւական հիմքերը, բազմակողմանի ուրուագծուել դատական-վերահսկողական գործառոյթները:

Գօշը երախտագիտութեամբ է ընդունել Վախթանգ Հաթերքցու եւ Արզու Խաթունի ասանդը: Նա *Դաւրաստանագրքի* մէկ օրինակ է նուիրել ամուսիններին, հետեւեալ ընծայագրով. «Յիսուս Քրիստոս, յորժամ զաս ի նորոգեալ զերկիրս, նորոգեա հոգով եւ մարմնով զաստուածատէր իշխանն իշխանաց զՎախթանգ եւ զամուսին իւր զԱրզու Խաթուն ի կեանս անմահս»¹¹¹: Մէկ այլ օրինակի վրայ Գօշը գրել է. «Տէր Աստուած, վայելել տա՛ցէ աստուածայսէր եւ բարեպաշտ իշխանաց իշխանին Վախթանգայ՝ որդւոյ Հասանայ ի կանս իւր զգիրքս Դաւրաստանի անսխալ ուղղութեամբ վարել զպարտութիւնս տրին»¹¹²: Մխիթար Գօշն այս գրութեամբ փաստել է, որ ժամանակի իրաւական պահանջները լիովին բաւարարող օրէնքների ժողովածուն անմիջապէս կիրառութեան է ընդունուել Հաթերքի իշխանութիւնում: Փորձարկուած օրէնագիրքն ընդունուել է նաեւ Զաքարէ Բ.ի Հայք-Հայաստան պետութիւնում:

Վախթանգ Հաթերքցու եւ Արզու Խաթունի բարեկամութիւնը Գօշի հետ շարունակուել է նաեւ, երբ վերջինս Ամիր Քուրդի հովանաւորութեամբ Հաթերքից տեղափոխուել եւ հաստատուել է Կայէն բերդի մօտ գտնուող Գետիկի վանքում: 1188ի հօգոր երկրաշարժից Գետիկի վանքը եւ շրջակայ գիւղերը հիմնովին աւերուել են: Ամիր Քուրդի միջնորդութեամբ Զաքարէ Բ.ն, երկրաշարժից կործանուած Գետիկի վանքի փոխարէն Գօշին նոր տարածք է յատկացրել Տանձուտի ձորաբերանի ընդարձակ հովտում, որտեղ՝ Զաքարէ Բ.ի, Իւանէ Ա.ի, Ամիր Քուրդի, նրա որդիներ Սադուն եւ Դաւիթ իշխանների, բայց հիմնականում Վախթանգ Հաթերքցու, Արզու Խաթունի, Վախթանգի եղբայրներ Գրիգորի, Գրիգորիսի, Խոյդանի, Վասակի հովանաւորութեամբ նա կառուցել է Նոր Գետիկի վանական համալիրի Կաթողիկէ եկեղեցին¹¹³:

1214ին Վախթանգ Հաթերքցին կնքել է մահկանացուն: Նրանից առաջ կեանքին հրաժեշտ էին տուել երկու որդիները՝ Հասանը եւ Գրիգորը:

Հասանը զոհուել էր թուրքերի դէմ կռում, Գրիգորը՝ նրա զոհուելուց երեք ամիս անց, մահացել էր հիանդութիւնից: Իր կեանքի տղամարդկանց յիշատակին Արզու Խաթունը Դադի վանական համալիրում կառուցել է կենտրոնագմբէթ եկեղեցի, այդ համալիրի ամենահոյակապ կառույցը¹¹⁴: Այն արտաքուստ ուղղանկյուն, ներքուստ՝ խաչաձեւ յատակագծով, չորս անկիւններում կրկնայարկ աանդատներով կառույց է: Այն Արցախի աշխարհի ճարտարապետութեան համար նորոյթ էր՝ գմբէթաւոր սրահ, պսակուած լայն ու բազմանիստ բարձր թմբուկով եւ սրածայր վեղարով: Ներսի կիսասիւնները եւ դրանք կապող կամարները սպիտակ եւ գորշ քարից են՝ զարդարուած նուրբ քանդակներով: Եկեղեցին ներսից որմնանկարուած է:

Կաթողիկէ եկեղեցու արեւելեան պատին ողջ հասակով քանդակուած են Արզու Խաթունի որդիներ Հասան եւ Գրիգոր իշխանները եկեղեցու մանրակերտով, իսկ հարաւային ճակատին՝ Սուրբ Դադիի եւ Վախթանգ Հաթերբցու պատկերաքանդակները: Եկեղեցու արեւելեան պատին, որտեղ Հասան եւ Գրիգոր իշխանների պատկերաքանդակն է, փորագրուել է Արզու Խաթունի 19 տողանոց շինարարական արձանագրութիւնը. «... ես՝ Արզու Խաթունս, նուաստ աղախին Քրիստոսի, դուստր մեծի իշխանաց իշխանին Քրդին եւ ամուսին Վաղթանկա... իսով մեծաւ շինեցի զսուրբ կաթողիկէս ի տեղոց հանգստարանի առն իմն եւ զաւակաց իմոց Հասանա՝ անդրանիկիս իմն եւ Գրիգորի, որ եւ ի Տէրն կիսարեա վախճանելոց, զի վասն իմ մեղաց խրաբեաց զիս Աստուած...»¹¹⁵:

Արզու Խաթունը բազմակողմանի շնորհով օժտուած, տաղանդաշատ կին էր, գիտէր ներկերի գունային երանգներ, քանդակաձեւ զարդամոտիւներ, ինչպէս նաեւ հագուստի հիւսածոյ նախշեր ստեղծելու զաղտնիքը: Նկարել է, ձեռագործել: Նա դուստրերի հետ մեծածաւալ վարագոյրներ է գործել, որոնք զարդարել են Հաղբատի, Մակարավանքի, Դադի վանքի մեծ խորանները: Նրա գործած վարագոյրը զարդարել է նաեւ Նոր Գետիկի Կաթողիկէ եկեղեցու խորանը: Այն եկեղեցուն է նուիրաբերուել 1197ին՝ եկեղեցու օծման առիթով. «Սա բազում ինչ օժանդակ եղել արար եւ վարագոյր գեղեցիկ՝ դստրոք իւրով՝ ծածկոյթ սուրբ խորանին, զարմանալի տեսողաց, ի մագոյ այծից կակղագունաց՝ ներկեալ պէսպէս եւ զանազան, գործ քանդակակերպ եւ նկարեալ պարկերօք, ճշգրտագոյն հանուածովք տնօրինականօք Փրկչին եւ այլ սրբոց, որ հիացուցանել գրեւտողսն»¹¹⁶:

Կաթողիկէ եկեղեցու ներսի հարաւային պատին Քրիստոսն Աւետարան է մեկնում Դաւիթ Աքանջեազործին, իսկ Աստուածածինը՝ խաչագարդ ուրար: Գանձակեցին անուղղակի հաստատել է, որ Արզու Խաթունն է նկարել Կաթողիկէ եկեղեցու պատերին եղած որմնանկարները. «Եւ որք տեսանէին, օրինութիւն տալին աստուծոյ, որ ետ կանանց իմաստութիւն զոստայնանկութեան եւ հանճար նկարակերպութեան»¹¹⁷:

Վախթանգ Հաթերքցու եւ իր որդիների մահով Վերին Խաչենի թագաւորական գահը դատարկ է մնացել: Թէեւ Վախթանգ Հաթերքցու եղբայրներից Սմբատը եւ Վասակը որդիներ ունէին, որոնք կարող էին ժառանգել հօրեղբօր գահը, բայց խաղաղ բանակցութիւնների արդիւնքում, Վերին Խաչենի տարածքը փոքր մասով միացուել է Ծարի իշխանական տանը, իսկ մեծ մասով՝ Ներքին Խաչենի թագաւորութեան:

Որքան է ամուսնու եւ որդիների մահուանից յետոյ ապրել Արզու Խաթունը՝ պատմական տեղեկութիւն չենք գտել: Որեւէ տեղեկութիւն չենք գտել նաեւ նրա դուստրերի յետագայ ճակատագրի մասին:

Խաղբակեանները

Խաղբակեան¹¹⁸ տոհմի հիմնադիր, Ներքին Խաչենի Հաապտուկ բերդի տէր Խաղբակ Բ.ի որդի Վասակ իշխանը¹¹⁹ 1201ին, հայոց բանակի կողմից Գեղարքունեաց տարածաշրջանի ազատագրումից յետոյ, երբ բացուել է Խաչենի ճանապարհը, ազատագրական պայքարի մաս դառնալու նպատակով, թողել է հայրենի Հաապտուկը, իր հեծեալ գնդով եկել է Լօռէ բերդ եւ ծառայութեան մտել հայոց բանակում:

Այս Վասակի եղբայր Ջաջուռ իշխանի դուստր Վանեսին, որ ամուսնացել է Մահկանաբերդի Սեւորդեան տոհմից Կուկի որդի Աբասի հետ, 1232ին Նոր Գետիկի վանքում Ստեփանոս գրչին ձեռագիր, նկարագարդ Աւետարան է պատուիրել, որի յիշատակարանում գրել է, որ Վասակ իշխանի, իր հօր՝ Ջաջուռ իշխանի տոհմի նախնին Բակ իշխանն է, որ եղել է Վարդան Մամիկոնեանի զօրավարներից¹²⁰:

Վասակ իշխանն աչքի է ընկել Բջնիի ազատագրման գործողութեան ժամանակ: Իսնէ Ա. Զաքարեանը ստանձնել է նրա հովանաւորութիւնը, նշանակել իր տան զօրաբանակի սպարապետ: Արցախից նոր զօրագնդերով եկել ու Վասակ սպարապետին են միացել որդիները Մկրէմը, Պապաքը, Հասան-Պոռը, եղբայրները՝ Հասանը, Ջաջուրը, Գրիգորը, Արուսէթը: Զաքարէ Բ. շահնշահի յանձնարարութեամբ Իսնէ Ա. զօրավարը բնակութեան համար Վասակի իշխանին ժառանգական իրաւունքով տուել է Բջնիի մօտ գտնուող Կեչառիս բնակավայրն իր վանական համալիրով:

Յաջորդ տարիներին Վասակ Խաղբակեանը հայոց զօրաբանակի գլուխ անցած Գեղարքունիքի կողմից, Վարդանեաց լեռնանցքով անցել է Սինիք: Կարճ ժամանակում ազատագրել Քարազլուխ գիւղը, Եղեգիս գիւղի մօտ գտնուող Սմբատաբերդը, Հերիերի ձորը, Ոստիկը, Հերմոն, Տաղաց Քար, Արատես գիւղերը, Բոլորաբերդ ամրոցը, Ջերմուկի ձորը, Քաշաթաղ-Ծարի լեռնանցքը, Գնդեվանքի ամրոցը, Սիսիանի լեռնանցքը, Վայք ասանը, Գոմք, Ուղեծոր, Մարտիրոս, Սերս, Ագնաբերդ, Արփի, Արենի, Ռինդ, Չիա, Ելփին, Ամաղու, Խաչիկ գիւղերը, Ամաղուի մօտ գտնուող հզօրագոյն Հրաշքաբերդը:

Ջաքարէ Բ. շահնշահը 1205ին ազատագրուած Հայք-Հայաստանում վարչական բարեփոխումներ կատարելով կողմնակալութիւն-կուսակալութիւն-փոխարքայութիւններ է ստեղծել: Ազատագրուած Վայոց Ձորի արեւելեան տարածքի վրայ ստեղծուած կողմնակալութեան կողմնակալ է նշանակել Վասակ իշխանին, նրան շնորհել իշխանաց իշխան բարձրագոյն կոչում, տոհմին տուել հաղթական անուն:

Մինչեւ 1210, գործակցելով Լիպարիտ Օրբելեանի հետ, որին Ջաքարէ Բ.ն նշանակել էր Հրաշկաբերդի եւ շրջակայ բնակավայրերի վրայ ստեղծուած կողմնակալութեան կողմնակալ, ազատագրել են ամբողջ Նախիջեւանը, որ հիմնականում անցել է Վասակին եւ արեւելեան Սիւնիքը՝ Սիսական-Գորայք¹²¹ հատուածը, որն անցել է Լիպարիտին: Բարկուշատ-Արաքս գետ-խուղափերինի կամուրջ հաստաւածը տրուել է Վասակ հաղթականին:

Ռազմական եռանդուն գործողութիւններին յաջորդած կարճատեւ խաղաղ տարիներից մէկում՝ 1204ին, իշխանաց իշխան Վասակ հաղթականը կնոջ՝ Մամայի գործակցութեամբ կատարել է Կեչառիսի Կաթողիկէ եկեղեցու հիմնարկէքը: Պատերազմական գործողութիւններին մասնակցող ամուսնու փոխարէն շինարարութեան ընթացքը ղեկավարել է Մամա իշխանուհին: Եկեղեցու շինարարութիւնն աւարտուել է 1214ին: Կաթողիկէ եկեղեցին Կեչառիսի համալիրի մարգարիտն է, գտնուում է Սուրբ Նշան եկեղեցու հարաւային կողմում: Այն արտաբոստ քառակուսի յատակագծով կենտրոնաւորէ շէք է: Ներքուստ, չորս անկիւններում տեղադրուած երկյարկ աւանդատների շնորհիւ խաչաձեւ տեսք ունի: Արեւելեան կողմում բարձր բեմով խորանն է: Չորս կենտրոնական սիւների եւ կիսասիւների առաջացրած լուսանցքի վրայ բարձրանում է կլոր գմբէթը սրածայր վեղարով: Կաթողիկէի արեւմտեան շքամուտքի ճակատաքարի եւ կամարի քարի վրայ փորագրուած է. «Ես՝ Վասակ, որդի հաղթական, շինեցի զսուրբ Կաթողիկէս յազնակալութիւն եւ յերկարութիւն կենաց իմ պապրոնացն՝ Իսան է աթաբակի, եւ արեան հարազատի իւրոյ Շահնշահի, եւ Աագին, եւ մարտն պապրոնս խոշաքին, եւ եղբայրացն, եւ որդեացն, յարեւապոտիւն ինձ, եւ ամուսնոյ իմո Մամային՝ մեղաց թողութիւն»¹²²:

Կաթողիկէի հարաւային արտաքին պատին Վասակ հաղթականի մեծ արձանագրութեան տակ իր վիմագիրն է թողել Նաեւ Մամա իշխանուհին. «Ես՝ Մամայս, աղային Քրիստոսի, դուստր ... Վասակա, գայգին իմ, որ յերեան գնեցի ի հալալ ընչից իմոյ եւ յեղու /ի սուրբ եկեղեցիս, որ շաբաթ արն :Բ:/2/ խորանն քինի իւթիցն պարարազ կամակցութեամբ քնատն իմոյ Վասակա»¹²³:

Այս արձանագրութիւնը միակն է, որտեղ յայտնուել է Մամա իշխանուհու հոր անունը՝ Վասակ, բայց քանի որ այդ անունը Նախորդող տողի

վերջին քարն իր տեղից ընկել եւ ոչնչացել է, այլեւս անհնար է ճշտել, թէ այդ Վասակը որ տոհմից է եղել:

Վասակ Խաղբակեանի եւ Մամա իշխանուիւ ամուսնութիւնն ամենայն հաւանականութեամբ տեղի է ունեցել 1180ականների առաջին կեսին, քանի որ 1201ին Խաչենից Լօռէ բերդ եկած Վասակի երեք որդիները՝ Պապաքը, Մկրէմը, Հասան-Պոռշը այնպիսի տարիքում էին, որ արդէն ռազմական փորձ ունէին եւ Վայոց Ձորում ու Սիւնիքում մասնակցել հօր մղած պատերազմներին: Այդ հաստատում է նաեւ իշխանաց իշխան Վասակ Խաղբակեանը 1214ին Կեչադիսի շինարարական արձանագրութեան մէջ: Մասնատրապէս նա կարդացողներին խնդրել է. «... *իշխսցիք եւ աստուածաբարք եղբարքն իմ եւ զինակիցք Ջաջուտն, եւ Գրիգոր, եւ սիրելի որդիք իմ հարազատք Պապաքն, Մկրէմ եւ Հասան երկանուն Պոռաշ*»¹²⁴: Այստեղ «զինակիցք» բառը հաւասարապէս վերաբերում է Վասակ Խաղբակեանի եւ եղբայրներին, եւ հասուն որդիներին: Կայ եւս մէկ փաստ, որ Վասակի եւ Մամայի ամուսնութիւնը եղել է 1180ականների առաջին կեսին: 1222ին Գանձակի մօտ Իւանէ Բ. աթաբէկի ընդհանուր հրամանատարութեամբ ղվչաղների դէմ եղած պատերազմին տոհմական զօրամասը ղեկավարել է ոչ թէ տարիքն առած իշխանաց իշխան Վասակ Խաղբակեանը, այլ Նրա աւագ որդի Պապաքը¹²⁵: Նրա հետ նոյն կողմն մասնակցել է հօրեղբայրը՝ Քելուա ձորի, բերդի, Աջոց Սուրբ Ստեփանոս, Վանատան վանքերի տէր Գրիգոր Խաղբակեանը: Հայոց բանակն այդ պատերազմում պարտուել է: Խաղբակեան Պապաքն սպանուել, Գրիգոր իշխանը գերուել է: Նրան առաջարկուել է հաւատալիտիս լինել, որից իշխանը հրաժարուել, անգամ հայիոյել է Մուհամէդի կրօնը: Դրանից յետոյ «*բարշեցին զնա մերկ ի վերայ երկրի, եւ փշով քանցեցին զամենայն մարմինս նորա, եւ այնքան տանջեցին զնա մինչեւ ի գանելն աւանդեաց զոգին*»¹²⁶:

Վասակ Խաղբակեան հօր, եղբօր համար սա մեծագոյն ողբերգութիւն էր, առաւել եւս, որ այդ նոյն տարում մահացել էր նաեւ Մկրէմ որդին: Որդիների անժամանակ մահուան եւ եղբօր այդօրինակ սպանութեան կսկիծը հզօր, քաջ հերոսի, թուրքերի, այլազան թշնամիների երբեմնի ահասարսոտ հակառակորդ, իշխանաց իշխան Վասակ Խաղբակեանին տարաւ գերեզման: Զօրականի մահը եղել է ամենայն հաւանականութեամբ 1223ին. «*փոխեցաւ ի Քրիստոս Վասակ իշխանաց իշխանն եւ էառ զորոշայն որդի նորա քաջն Պոռշ...*»¹²⁷:

Նրան գահի վրայ փոխարինել է երրորդ որդին՝ Պոռշ իշխանաց իշխանը: Մամա իշխանուիւ մասին պատմական աղբիւրները լռում են: Որդին՝ իշխանաց իշխան Պոռշը, մօր համար, 1244ին, նուիրատուութիւն է կատարել Ներքին Խաչենի Կօշիկ անապատին¹²⁸, 1247ին՝ Յովհաննավանքի Սուրբ Կարապետ եկեղեցում¹²⁹: Սրանից կարելի է ենթադրել, որ առնուազն մինչեւ 1247ը Մամա իշխանուիւն ապրել է:

Օրբէլեանները

Էլիկումի որդի Լիպարիտը ԺԳ. դարի առաջին տասնամեակում հիմնել է Օրբէլեան տոհմի հայկական ճիւղը: Նրա նախնիները Տայքից Հիւսիսային Հայաստան գաղթած Մամիկոնեան հին տոհմի ճիւղերից էին, որի մի մասը հաստատուել էր Կիրիկեանների թագաւորութեան ենթակայ Գուգարքի Տաշիր գաւառի Դսեղ գիւղում Մամիկոնեան-Համազասպեան տոհմանունով, մի մասը՝ նոյն Կիրիկեաններին ենթակայ Օրբէթ բերդում եւ այդ բերդի անունով Վիրքի ազնուականութեան շարքն անցել Օրբէլեան տոհմանունով:

Էլիկումի հայր Իւանէ Օրբէլեանը, որ Վիրքի բանակի ամիրսպասալար-սպարապետն էր եւ որպէս սպարապետական կալումաճը ստացել էր Կիրիկեաններից Վիրքի թագաւորների գրաւած Լոռու նախկին թագաւորութեան տարածքը Լոռէ բերդով, 1176-77ին ապստամբել է Վիրքի Գէորգի Գ. թագաւորի դէմ՝ թագաժառանգ Դեմնային գահին նստեցնելու պատրուակով, պարտուել ու Վիրքի տարածքում ապրող տոհմանդամներով ոչնչացուել է: Միայն ամիրսպասալար Իւանէ Օրբէլեանի Լիպարիտ եղբայրն իր Էլիկում եւ Իւանէ որդիների հետ փրկուել է, քանի որ օգնութեան խնդրանքով գնացել էր սելջուկեան Ելտկուզ աթաբէկի մօտ, այդ դէպքերից առաջ ու դէպքերից յետոյ այլեւ չի վերադարձել Վիրք: Յետագայում, Թամար թագուհու օրօք, Լիպարիտի որդիներից Իւանէն է վերադարձել Վիրք եւ միայն Օրբէթ բերդն է ետ ստացել: Լիպարիտն ու Էլիկումը մնացել են Գանձակում: Առանի, Ատրպատականի, Նախճվանի կառավարիչ Մուհամէդ Փաիլաւանի կողմից Էլիկումը նշանակուել է Երնջակ բերդի, Ճահուկ աւանի, Քալասրահի գօրավար: Այստեղ Էլիկումն ամուսնացել է Արաս Ճահկեցու դստեր, Սիւնեաց Ստեփաննոս Գ. եպիսկոպոսի (1170-1216) քրոջ դստեր՝ Խաթունի հետ: Այդ ամուսնութիւնից ամենայն հաւանականութեամբ 1180-82ի միջեւ ծնուել է տղայ, որին պապի անունով կոչել են Լիպարիտ: Պապ Լիպարիտը եւ նրա Էլիկում որդին 1184ին Գանձակի մօտ տեղի ունեցած հայ-վրացական եւ ելտկուզեան պատերազմում զոհուել են: Էլիկումի կինն ու որդին մնացել են բախտի քմահաճոյքին: Ինչ-որ մի սելջուկ բռնի տիրել է Էլիկումի կնոջը՝ Խաթունին, երեխայի հետ տարել Նախճվան:

1201ին, Ջաքարէ Բ.ի հրամանով կազմակերպուել է Խաթունի եւ նրա որդի Լիպարիտի ազատագրումը: Ջաքարէ Բ. շահնշահը նրան է վերադարձրել տոհմական իշխանաց իշխան կոչումը եւ տուել Վայոց Ձորում Վասակ Խաղբակեանի ազատագրած Հրաշքաբերդը շրջակայ գիւղերով, իսկ 1205ին նշանակել Հրաշքաբերդի եւ շրջակայ հողերի վրայ ստեղծուած Սիւնիքի կողմնակալ-փոխարքայ՝ տալով իրաւունք կոռով մեծացնելու իր կողմնակալութեան սահմանները: Մինչեւ 1210ականները Լիպարիտ իշխանաց իշխանը, գործակցելով Վայոց

Ձորի կողմնակալ-փոխարքայ Վասակ Խաղբակեանի հետ, ազատագրական կոչմանը իր կողմնակալության սահմանները մեծացրել է ի հաշիւ արեւելեան Սիւնիքի:

Իսկ Ք. Զաքարեանը, երիտասարդ Լիպարիտին մեծ ապագայ կանխատեսելով, նրան առաջարկել է բարեկամանալ, ամուսնանալ իր դստեր՝ Թամթայի հետ: Բայց կատարուել է անսպասելին: Լիպարիտ իշխանաց իշխանը տեսել է Բուպակ իշխանաց իշխանի գեղեցկուհի դստերը՝ Ասփային եւ որոշել, որ նա է լինելու իր կինը:

Բուպակ իշխանաց իշխանը Զաքարեան եղբայրների մարտական գիտակիցն էր: Մասնակցել էր պետականության կերտման բոլոր մարտերին: 1187ին նստելով հայոց թագաւորական գահին, Զաքարէ Բ.ն հիմնել է հայոց պետության կառավարական խորհուրդը: Նա Բուպակին շնորհել է իշխանաց իշխանի կոչում, նշանակել պետական նախարար՝ թագաւորական իշխանության հրամանատար, հեջուքների¹³⁰ մեծ: 1190ականների սկզբին Զաքարէ Բ.ն ազատագրուած Գեղարքունիքի տարածքից Հայրավանքն իր շրջակայ հողերով պարգեւել է Բուպակ իշխանաց իշխանին: Պատմիչ Ստեփանոս Օրբէլեանն իր պապի մասին գրել է. «Եւ զի էր նորա գործակալ եւ հրամանաւոր ի վերայ ամենայն իշխանութեանց իւրոց եւ աւագ հեջակաց մեծ եւ բարեպաշտ իշխանն Բուպա կոչեցեալ, որ էր աներ Լիպարիտի՝ որդւոյ ելիկումին...»¹³¹:

Լիպարիտ Օրբէլեանը 1216ին, իր իշխանութեանն արժանի հոգեւոր կենտրոն ունենալու նպատակով, Ամաղու գիւղի մօտ գտնուող Նորավանքի տարածքում նոր՝ Սուրբ Ստեփանոս Նախավկայ անունով Կաթողիկէ եկեղեցի է հիմնադրել, որի կառուցումն աւարտուել է 1221ին:

Եկեղեցու հիւսիսային պատին, ներքուստ, փորագրուած է.

Ի թվին ՌՀ /1221/... ես՝ Լիպարիտ, որդի Ավակումին, թոռն մեծի Արպելանց, զի հայրն իմ Ալումին քինացաւ թագաւորին Աբխ/ա/զաց, գնաց ի տունն Էտկուզանց եւ նա մեծ ազատով մեծարեց զնա, եւս նմա զմեծ քաղաքն Համիան¹³²: Ես՝ Լիպարիտս, որդի Նորա, մանուկ գոյով դարձաւ վերըստին ի լուսաւոր հաւատն սրբոյն Գրիգոր/ի/, եկի առ մեծ աթապակ Իսանէ եւ հայրենեացն փոխան եր/ե/տ զՀարաշկաբերդ իւր կերովս, եւ ես շինեցի զվանքս, որ կոչի Նորավանք: Յառ/աջն/որդութեան/ տէր Սարգսի Սիւնեաց վերադիտողի, շինեցի զեկեղեցիս եւ աւագ սուրբ Նշան առ աթաբակ Իսանէի էր... Տէր Սարգիս եւ միաբանքս հաստատեցին ինձ զԱւագ խորանն :Գ:/3/ ար ժամ կիրակէն, ի շաբաթն եւ զհնգշաբաթն ի յամեն շաբաթում, եւ կենակցին իմ Ազփային սահմանեցին ի տարումն տ/եառ/նընդառաց արն զամեն եկեղեցիս...¹³³:

Եկեղեցու օժումը տեղի է ունեցել 1223ին: Հարիւրաւոր բարձրաստիճան պաշտօնեաների, հոգեւորականների թում հանդէսին մասնակցել է նաեւ Լիպարիտ իշխանաց իշխանի աները՝ Բուպակ իշխանաց իշխանը: Այդ մասնակցութեան մասին թողը՝ Ստեփանոս պատմիչը գրել է.

Ի... յամիրսպասալարութեան Հայոց եւ Վրաց Շահնշահի, եւ յաթաբէկութեան Իվանէի՝ հաւրեղբար նորին, ես՝ մեծուցեալ ծառայ Քրիստոսի Բուպակ՝ իշխանաց իշխան, եկի ի նաակատիս սուրբ եկեղեցոյս Նորաանկից առ երջանկի հայրապետս տէր Սարգիս եւ ընծայեցի ի հալալ հայրենեաց իմոց գոր իմ բազկաւ առեալ էի յայլազգեաց եւ իմ արեամբն թափել, եւ իմ պարոնայքն մեծ սիգեղով այն ինձ էին որոշեալ՝ զԱղբերիս գիւղ իւր ամէն սահմանան, ի սուրբ եկեղեցին Նորաանկիցս ի սուրբ Կարապետ եւ ի սուրբ Նախավկայս տուի՝ ազատ յամենայն հարկաց: Եւ չունի հրաման յայսմհետէ մինչեւ յափտեան հակառակիլ այսմ, ոչ յաւագաց, ոչ յիմոց, ոչ յօտարաց: Եւ տէր Սարգիս եւ այլ միաբանքս հաստատեցին ի տարումն տասն պատարագ ի Վարդաւառին տանին իմ մարն հոգոյն: ... ի թուիս Հայոց ՈՒՐ /1223/¹³⁴:

Բուպակ իշխանաց իշխանի դուստր, Լիպարիտ Օրբէլեանի կին, գեղեցկուհի Ասփա իշխանուհին աշխարհ է քերել Էլիկում, Սմբատ, Իւանէ, Փոխրադապա, Տարսայիճ անուններով որդիներին, որոնք բոլորն էլ ծնուել էին մինչեւ 1221ը¹³⁵: Նրանցից երեքը՝ Էլիկումը, Սմբատը, Տարսայիճը իրար յաջորդելով 1226-90ին եղել են Սիւնեաց իշխանապետութեան գահակալներ:

Ասփա իշխանուհին 1261ին Նորավանքում կառուցած գալփի շինարարական արձանագրութեան մէջ յիշել է որդին, Սմբատ արքան, պատուիրելով պատարագներ. «*շարաթ ար ու կիրակի Լիպարիտի, հինգշաբաթն Ասփաին*»¹³⁶: Նա մօրը յիշել է նաեւ Քարկովի վանքի Սուրբ Աստուածածին եկեղեցու նորոգման արձանագրութեան մէջ¹³⁷:

Լիպարիտ իշխանաց իշխանը մահացել է 1226ին որդիներին թողնելով շէն ու հարուստ իշխանութիւն:

Իշխանուհի Ասփան մահացել է 1263ին ու թաղուել որդու՝ իշխանաց իշխան Սմբատ արքայի¹³⁸, կողմնակալի¹³⁹ Նորավանքում կառուցուած դամբարանում: Նրա գերեզմանը առաջին շարքում է: Յաջորդում է Էլիկում, Իւանէ, Փախրադապա որդիների գերեզմաններին, որոնք իրենից առաջ են մահացել: Տիրուհու տապանաքարին փորագրուած է. «*Ջբարեպաշտ մայր իշխանացս զԱսփայն յիշեցէք*»¹⁴⁰:

1226ին հօր՝ Լիպարիտ Օրբէլեանի Սիւնիքի կողմնակալ-փոխարքայի գահին նստել է աւագ որդին՝ Էլիկում Օրբէլեանը: Նա ամենայն հաւանականութեամբ այդ պահին 21 կամ 22 տարեկան է եղել: Դեռեւս հօր կենդանութեան օրօք ամուսնացել էր Դսեղի Մամիկոնեան-Համագասպեան գերդաստանից Մարծպան Ա. իշխանի Գրիգոր որդու դուստր Թամկայի հետ: Օրբէլեանը գրել է, որ Էլիկումը. «*փեսայացել էր Գրիգորոյ Մարծանեանցին, որ յազգէ Մամիկոնէից համբաւի եւ վարէր գլոխութիւն հօրն*»¹⁴¹: Այս Թամկայի հօրաքոյր Խորիշահը նոյն ժամանակ ամուսնացել էր Այրարատի կողմնակալ-փոխարքայ Վաչէ Ա. իշխանաց իշխան Քուրդ Ա. Վաչուտեանի հետ¹⁴²:

Նորավանքի Կաթողիկէ եկեղեցու գալօրում էլիկում իշխանաց իշխանի որդի Բուրթէլ իշխանը 1261ին խաչքար է պատրաստել տուել մօր՝ Թամկա իշխանուհու յիշատակին: Խաչքարը գեղաքանդակ է, խոր փորուածքով: Կոթունի մասում պատրաստող վարպետը փորագրել է. «Ի թվին/ 2Ժ /1261/: Ի կամս որդրմութե/ամբ/ արարչին Յիսուսի: Ես՝ Բուրթել, որդի էլիկումի, որդո Լիպարիդի, կանկնեցի Ջա/սպուա/ծընկալ նշանս մար իմ Թամկա, յիշարակ յափտէնից»¹⁴³:

Արձանագրութեան յափտենական յիշատակ բառերը յուշում են, որ 1261ին Թամկան մահացել է եւ որդին նրա յիշատակը յարգել է այդ անգուգական խաչքարով, որ տեղադրուած է ընդհանուր պատուանդանի վրայ՝ գալթի ներսում, արեւմտեան պատի տակ, հիւսիսային մասում:

Էլիկում իշխանաց իշխանը զոհուել է Նփրկերտում, մոնղոլական արշաւանքի ժամանակ՝ 1253ին:

1261ին մօր յիշատակի խաչքարը պատրաստելուց մի փոքր անց, մոնղոլ զօրավար Հուլաղու խանի զօրքերի կազմում, ղկաղների դէմ պատերազմելիս, Թերեք գետի ափին Բուրթէլ իշխանը սպանուել է: Հօրեղքօր որդու մասին պատմիչ Օրբէլեանը գրել է. «... տղայ հասակավ սպանաւ ի պատրեղազմի յաշխարհն խալանդրաց, ի դաշտին խազրաց, զոր այժմ հսկչախ կոչեն»¹⁴⁴:

Էլիկում իշխանաց իշխանի եւ Թամկայի դուստր Ռուզուքանը Վախթանգ Հաթերքցու որդի Հասանի կինն էր: ԺԳ. դարի կէսերին ամուսիններով նուիրատուութին են կատարել Գեղարդականքին. «... Ես՝ Հասան, որդի Վաղթանկայ, թոռն մեծի Սմբատայ թագաւորազնին, միարանեցաք սուրբ ուխտիս... Եւ սպասաւորք սորա խոստացան ի տարվոջն 2/6/՝ աւր պատարագ Ջարկին, Ա/1/ ինծ, Գ/3/՝ իմ մարն Նանային, Բ/2/՝ Ռուզուքանայ՝ կենակցի իմոյ»¹⁴⁵: Ռուզուքան իշխանուհին նուէրներ է տուել Սեծառանից Սուրբ Յակոբ վանքին եւ գալթի պատին արձանագրել. «Թվին 2ԺԳ /1264/: ... Ես՝ Ռուզուքան, ամուսին Հասանայ, դուստր մեծ իշխանին Էլիգոմին»¹⁴⁶:

Ներկայացուող ուսումնասիրութիւնից դուրս մնացած իշխանական միաւ տների՝ առաջին-երկրորդ սերունդների զաւակների, ուրիշ աւելի փոքր տոհմերի, ինչպէս նաեւ ուսումնասիրութեան առաջին մասում ներկայացուած տոհմերի միաւ սերունդների ամուսնական կապերին կ'անդրադառնանք յաջորդիւ:

ԾԱՆՕԹԱԳՐՈՒԹԻՒՆՆԵՐ

¹ Կիրակոս Գանձակեցի, Պատմութիւն Հայոց, աշխատ՝ Կ.Ա.Մելիք-Օհանջանեան, ՀԽՍՀ ԳԱ, Երեւան, ՀՍՍՌ ԳԱ Հրատ., 1961, էջ 209:

- ² *Դիան Հայ Վիմագրություն, Պրակ 9*, կազմ.՝ Ս.Գ. Բարխուդարյան, Կ.Գ. Ղաֆադարյան, Ս.Տ. Սաղումյան, ՀՀ ԳԱԱ «Գիտություն» Հրատ., Երևան, 2012, էջ 298, արձանագրություն 630:
- ³ *Դիան Հայ Վիմագրություն, Պրակ 1, Անի Քաղաք*, կազմ.՝ Յ.Ա.Օրբելի, ՀԽՍՀ ԳԱ Հրատ., Երևան, 1966, էջ 57:
- ⁴ Կարո Ղաֆադարյան, *Հաղբար. Ճարտարապետական Կառուցումները եւ Վիմական Արձանագրությունները*, Երևան, ՀՍՍՌ ԳԱ Հրատ., 1963, էջ 184:
- ⁵ Նոյն:
- ⁶ Բազրատ Ուլուբաբեան, *Խաչէնի Իշխանությունը X-XVI դարերում*, Երևան, ՀՍՍՀ ԳԱ Հրատ., 1975, էջ 190:
- ⁷ Հասարակ Պատմության Վարդանայ Վարդապետի, *Լուսաբանեալ, Վենետիկ*, 1862, էջ 140. նաեւ՝ Ուլուբաբեան, էջ 148:
- ⁸ Կարապետ Եպիսկոպոս, *Նիսիսի Հայ Մելիքության Մասին. Բ Պրակ, Դոփեանք եւ Մելիք Ճահնազարեանք*, Ս.Էջմիածին, Ելեքտրաշարժ Տպարան Մայր Աթոռոյ, 1914, էջ 44 եւ յետոյ:
- ⁹ *Դիան Հայ Վիմագրություն, Պրակ 5, Արցախ*, կազմ.՝ Ս.Գ.Բարխուդարյան Երևան, ԳԱ Հրատ., 1982, էջ 127:
- ¹⁰ Ղաֆադարյան, *Հաղբար*, էջ 184. նաեւ՝ *Դիան, Պրակ 9*, էջ 172, արձանագրություն 305:
- ¹¹ *Դիան, Պրակ 5*, էջ 12:
- ¹² Ուլուբաբեան, էջ 142:
- ¹³ Գանձակեցի, էջ 268:
- ¹⁴ Տ. Պետրոսեանց, «Դսեղի Սամիկոնեանների Տոհմաճառը»՝ *Վաչուրեաններ*, Երևան, Հեղինակային Հրատ., 2001, էջ 272:
- ¹⁵ *Դիան, Պրակ 9*, էջ 340, արձանագրություն 761:
- ¹⁶ Նոյն, էջ 343, արձանագրություն 768:
- ¹⁷ *Դիան Հայ Վիմագրություն, Պրակ 10, Շիրակի Մարզ*, կազմ.՝ Ս.Գ.Բարխուդարյան, ՀՀ ԳԱԱ «Գիտություն» Հրատ., Երևան, 2017, էջ 53:
- ¹⁸ Նոյն, էջ 54:
- ¹⁹ *Դիան Հայ Վիմագրություն, Պրակ 6, Իջեանի Շրջան*, կազմ.՝ Ս.Ա.Ասազեան, Հո.Մ.Ջանիդյան, ՀԽՍՀ ԳԱ, Երևան, 1977, էջ 65, արձանագրություն 127:
- ²⁰ Սիկիլ՝ հրամանագիր:
- ²¹ Կարո Ղաֆադարյան, *Սանահինի Վանքը եւ Նրա Արձանագրությունները*, Երևան, ՀՍՍՌ ԳԱ Հրատ., 1957, էջ 171. նաեւ՝ *Դիան, Պրակ 9*, էջ 100, արձ. 172:
- ²² Գանձակեցի, էջ 152:
- ²³ Ղաֆադարյան, *Հաղբար*, էջ 182:
- ²⁴ Արձանագրություն այդ մասը բացակայում է, վերականգնումը մերն է:
- ²⁵ Ղաֆադարյան, *Սանահինի*, էջ 185:
- ²⁶ *Դիան, Պրակ 6*, էջ 135, արձանագրություն 258:
- ²⁷ Հազարապետ:
- ²⁸ Զաքարիա Քանաքեղցի, *Պատմություն Կոնդակ Սուրբ Ուխտին Յոհաննու Վանքից*, աշխ.՝ Արմեն Վիրաբեան, Երևան, Հեղինակային Հրատ., 2015, էջ 189:

- ²⁹ Յովսէփ Եղիազարեան, «Կեչաղիսի Վանքը եւ Նրա Վիմագիր Արձանագրութիւնները», *Էջմիածին Ամսագիր*, 1955:12, էջ 46, արձ. 38. Նաեւ՝ Գանձակեցի, էջ 205. Նաեւ՝ Գարեգին Յովսէփեան, *Խաղրակեանք Կամ Պողեանք Հայոց Պապմութեան Մէջ, Մասն Ա.*, Վաղարշապատ, 1928, էջ 78:
- ³⁰ Ա.Ի. Շահնազարեան, *Վահրամեանների Իշխանութիւնը*, Երեւան, «Հայաստան» Հրատ., 1990, էջ 69, ծնթ.1:
- ³¹ Նոյն, էջ 104-105:
- ³² Հ.Ղետկոյ Վ.Մ. Ալիշան, *Շիրակ, Տեղագրութիւն Պարկերացոյց*, Վենետիկ, 1881, էջ 175: Ալիշանի կազմած Զաքարեանների տոհմաճառի Սարգիս Բ. Մեծի դուստրերից առաջինի անունը գրուել է Թամթա: Այդ նոյն տոհմաճառում սխալ է ներկայացուել նաեւ Դուփի ամուսնու անունը. Հասանի փոխարէն ամուսին է ներկայացուել Գրիգոր Խաչէնցին, որ Դուփի որդին էր:
- ³³ Գանձակեցի, էջ 166, 228, 292:
- ³⁴ Հասարումն, էջ 138:
- ³⁵ Պատրոն բառը տուեալ դէպքում կառավարչական գործունէութեամբ պայմանաւորուած լինելու արտայայտութիւն է:
- ³⁶ Յովհաննէս Նախկուպոս Շահխաթունեանց, *Սյորդագրութիւն Կաթողիկէ Էջմիածնի եւ Հինգ Գաւառացն Արարաբոյ, աշխ.*՝ Արմէն Տէր-Ստեփանեան, Մայր Աթոռ Սուրբ Էջմիածնի Հրատ., 2014, էջ 339:
- ³⁷ Խոջաբի «թագուի» տիտղոսը հաստատում է մեր տեսակէտը, որ Զաքարէ Բ. Մեծի հիմնած պետութիւնը բացարձակ անկախ, սեփական թագաւորով պետութիւն էր եւ Նրա տիրակալի կինը միաժամանակ ոչ միայն Հայք-Հայաստանի, այլեւ Վիրքի թագուի էր իրեն անուանում:
- ³⁸ Ալիշան, *Շիրակ*, էջ 10:
- ³⁹ Նոյն. Նաեւ՝ Ներսէս Սարգիսեան, *Տեղագրութիւն Ի Փոքր եւ Ի Մեծ Հայս*, Վենետիկ, 1864, էջ 170:
- ⁴⁰ Գանձակեցի, էջ 320:
- ⁴¹ Հասարումն, էջ 140:
- ⁴² Կարօ Ղաֆադարեան, *Յովհաննավանքը եւ Նրա Արձանագրութիւնները*, Երեւան, ՀՍՍՌ Հրատ., 1948, էջ 98:
- ⁴³ Ալիշան, «Զաքարեանների Տոհմաճառ», *Շիրակ*, էջ 175:
- ⁴⁴ Ղաֆադարեան, *Հաղբար*, էջ 202. Նաեւ՝ Տիգրան Հայազն, *Տիկնայք Փափկատուք Հայոց Աշխարհի, Կենսագրական Հանրագիտարան*, Գիրք Առաջին, Երեւան, Հեղինակային Հրատ., 2005, էջ 48-49:
- ⁴⁵ *Դիւան, Պրակ 9*, էջ 29, արձ. 5: Նոյնը վերափորագրուել է էջ 60, արձ. 67:
- ⁴⁶ Ղաֆադարեան, *Հաղբար*, էջ 173-174:
- ⁴⁷ Ալիշան, *Շիրակ*, էջ 24:
- ⁴⁸ Սամուէլ Կարապետեան, «Տեղեր», *Վարձք*, 2013:10, էջ 18-19:
- ⁴⁹ Մեր հաւաքածոյից:
- ⁵⁰ Մեզ Գագիկ Սարգսեանն է յայտնել:
- ⁵¹ Մեր հաւաքածոյից:
- ⁵² Իշխանական պաշտօնահամակարգում կողմնակալ-փոխարքայից յետոյ բարձրագոյն երկրորդ պաշտօնը կողմնակալութիւն-փոխարքայութիւններում:
- ⁵³ Ղաֆադարեան, *Յովհաննավանք*, էջ 94:

- ⁵⁴ *Դիան, Պրակ 9*, էջ 63, արձանագրություն 73:
- ⁵⁵ Ղաֆաղարեան, *Սանահին*, էջ 136:
- ⁵⁶ *Հայերէն Ձեռագրերի Յիշարակարաններ, ԺԳ. Դար*, կազմ.՝ Ա.Ա.Մաթետունան, ՀԽՍՀ ԳԱ, Երեւան, 1984, էջ 211բ:
- ⁵⁷ Ղաֆաղարեան, *Սանահին*, էջ 136:
- ⁵⁸ Գարեգին Յովսէփեան, *Խաղբակեանք Կամ Պոռշեանք Հայոց Պարմութեան Մէջ*, Բ. տիպ, Լիբանան, Անթիլիաս, 1969, էջ 314:
- ⁵⁹ Կարապետեան, էջ 18-19:
- ⁶⁰ Մեր հաաքածոյից:
- ⁶¹ Ղաֆաղարեան, *Յովհաննավանք*, էջ 82-83:
- ⁶² *Վինական Տարեգիր*, կազմ.՝ Կարապետ Կոստանեանց, Պետերբուրգ, 1913, էջ 72:
- ⁶³ Ղաֆաղարեան, *Հաղբար*, էջ 172-174:
- ⁶⁴ Ալիշան, *Շիրակ*, էջ 161:
- ⁶⁵ Մեր հաաքածոյից:
- ⁶⁶ Մեր հաաքածոյից:
- ⁶⁷ Ղաֆաղարեան, *Սանահին*, էջ 134:
- ⁶⁸ Ղաֆաղարեան, *Հաղբար*, էջ 174:
- ⁶⁹ Ղաֆաղարեան, *Յովհաննավանքը*, էջ 94:
- ⁷⁰ Պետրոսեանց, *Վաչուրեաններ*, էջ 258:
- ⁷¹ *Դիան, Պրակ 9*, էջ 106, արձանագրություն 192:
- ⁷² Պետրոսեանց, *Վաչուրեաններ*, էջ 258:
- ⁷³ Պետրոսեանց, *Գիւղն Որ Կոչի Վարդենիս Ի Նիզ Գաւառի*, Երեւան, 2018, 178 էջ:
- ⁷⁴ Նոյն, էջ 259:
- ⁷⁵ Նոյն, էջ 259-60:
- ⁷⁶ Նոյն, էջ 189 եւ յետոյ:
- ⁷⁷ Նոյն, էջ 260:
- ⁷⁸ Նոյն, էջ 261:
- ⁷⁹ Ղաֆաղարեան, *Յովհաննավանքը*, էջ 95:
- ⁸⁰ Նոյն, էջ 81:
- ⁸¹ Նոյն, էջ 91:
- ⁸² *ԺԳ. Դարի Յիշարակարաններ*, էջ 282:
- ⁸³ Նոյն, էջ 366:
- ⁸⁴ Գանձակեցի, էջ 365 եւ յետոյ. նաեւ՝ Պետրոսեանց, *Գիւղն Որ Կոչի*, էջ 98:
- ⁸⁵ Գանձակեցի, էջ 370-371:
- ⁸⁶ Նոյն, էջ 371:
- ⁸⁷ Գ. Սարգսեան, «Բարձրաբաշ Վանքը եւ Նրա Արձանագրութիւնները», *Էջմիածին*, 1951:9-10, էջ 44. նաեւ՝ Ղաֆաղարեան, *Յովհաննավանքը* էջ 84, 109:
- ⁸⁸ *ԺԳ. Դարի Յիշարակարաններ*, էջ 611. նաեւ՝ Ս.Մ. Պետրոսեանց (Տիգրան Հայազն), «Համազասպ Մամիկոնեան՝ Առաջնորդ Յովհաննավանքի», *Հոգեւոր Հայրենիք (Հայաստանի Ազգային Գրադարանի Ամսաթերթ)*, 2006:1/22/, էջ 4-5:
- ⁸⁹ Հ.Ղեւոնդ Ալիշան, *Այրարար Բնաշխարհ Հայաստանեայց, Վենետիկ, 1890*, էջ 172:

- ⁹⁰ *Դիան, Պրակ* 5, էջ 38, արձ. 82, էջ 41, արձ. 85:
- ⁹¹ Նոյն, էջ 88, արձ. 268, էջ 116, արձ. 387, էջ 120, արձ. 400. Նաեւ՝ *Դիան Հայ Կիմագրութեան, Պրակ 3, Եղեգնածորի եւ Ազիզբէկովի Շրջաններ, Կազմ.*՝ Ս.Գ.Բարխուդարեան, ՀԽՍՀ ԳԱ, Երեւան, 1967, էջ 238, արձ. 779:
- ⁹² *Դիան, Պրակ* 5, էջ 15, արձ. 12:
- ⁹³ Նոյն, էջ 41, արձ. 84:
- ⁹⁴ Նոյն, էջ 40, արձ. 82:
- ⁹⁵ Նոյն, էջ 40, արձ. 82, էջ 80, արձ. 239, էջ 41, էջ 84:
- ⁹⁶ Գանձակեցի, էջ 391:
- ⁹⁷ Նոյն, էջ 270:
- ⁹⁸ Եղիազարեան, *Կեչառիսը*, էջ 48, արձանագրութիւն 57:
- ⁹⁹ Գանձակեցի, էջ 359:
- ¹⁰⁰ ԺԳ. *Դարի Յիշարակարաններ*, էջ 311-12:
- ¹⁰¹ *Դիան, Պրակ* 5, էջ 41, արձանագրութիւն 85:
- ¹⁰² *Դիան, Պրակ* 3, էջ 238, արձանագրութիւն 779:
- ¹⁰³ Դիղեբով էին կոչուած վրաց մեծ իշխանները:
- ¹⁰⁴ Միւր Յակոբեան, *Հայ ժողովրդի Ոազմական Տարեգիրք. Գիրք Երեսունութրորդ, 1168-1198*, Երեւան, Հեղինակային Հրատ., 2008, էջ 39, ծանթ. 7:
- ¹⁰⁵ Հ.Ղեւոնդ Վ.Ալիշան, *Հայապարում, Հրք. Բ. Վենետիկ*, 1901, էջ 351:
- ¹⁰⁶ Գանձակեցի, էջ 207, նաեւ՝ Ալիշան, *Հայապարում*, էջ 350-51:
- ¹⁰⁷ Ուլուքարեան, էջ 145 եւ յետոյ:
- ¹⁰⁸ Լեւոն Մելիքսէթ Բէկ, «Վարդապետը Հայոց Հիսիսային Կողմանց» եւ Նրանց Ինքնութիւնը. *Հայ-Վրացական Յարաբերութիւններ (Պարմագրական Հետազոտութեան Փորձ), Վրացերէնից թարգմ.*՝ Հրաչ Բայրամեան, Մայր Աթոռ Սուրբ Եջմիածնի Հրատ., 2016, էջ 215-22:
- ¹⁰⁹ Խ. Թորոսեան, «Թագաւորների Պարմութիւնն Ու Գովաբանութիւնը» Որպէս Զարարեան Հայաստանի Պարմութեան Սկզբնաղբիւր, Երեւան, ՀՀ ԳԱ Հրատ., 1992, էջ 371-72:
- ¹¹⁰ Մխիթար Գօշ, *Գիրք Դարասարանի, աշխ.*՝ Խ.Թորոսեան, Երեւան, ՀՍՍՀ ԳԱ Հրատ., 1975:
- ¹¹¹ *Հայերէն Զեռագրերի Յիշարակարաններ, Ե.-ԺԲ. Դարեր*, Կազմ.՝ Ա.Ա.Մաթետոսեան, ՀԽՍՀ ԳԱ Հրատ., Երեւան, 1988, էջ 242:
- ¹¹² Հ.Ղ.Մ., «Յաղագս Իսկագիր եւ Նախագաղափար Օրինակի Գրոցն Դաստաստանի Մխիթարայ Գօշի», *Բազմավէպ*, 1848:2.(7), էջ 117:
- ¹¹³ Գանձակեցի, էջ 215-216:
- ¹¹⁴ *Դիան, Պրակ* 5, էջ 198, արձանագրութիւն 708:
- ¹¹⁵ Նոյն, էջ 198, արձանագրութիւն 708:
- ¹¹⁶ Գանձակեցի, էջ 215:
- ¹¹⁷ Նոյն:
- ¹¹⁸ Տոմմի նախնական անունը Խաղբակեան է եղել: Կողմնակալ-փոխարքայ, իշխանաց իշխան Վասակ Խաղբակեանի որդի, իշխանաց իշխան Հասան-Պողոյի գործունէութեան արդիւնքում տոհմը նոր՝ Պողոսեան անուն է ստացել:
- ¹¹⁹ Յովսէփեան, *Խաղբակեանք*, էջ 67 եւ յետոյ:

- ¹²⁰ ԺԳ. *Դարի Յիշատակարաններ*, էջ 182:
- ¹²¹ Գորայքը Գորինն է:
- ¹²² *Եղիազարեան*, էջ 46, արձանագրություն 38:
- ¹²³ Նոյն, էջ 46:
- ¹²⁴ Նոյն, էջ 46:
- ¹²⁵ *Դիան Հայ Վիմագրութեան, Պրակ 4, Գեղարքունիք*, կազմ.¹ Ս.Գ.Բարխուդարեան, ՀՍՍՀ ԳԱ, Երեւան, 1973, էջ 213, արձանագրություն 897:
- ¹²⁶ Գանձակեցի, էջ 205-206:
- ¹²⁷ Ստեփան Վարդապետ Մխիթարեան, *Արորագրութիւն Արիփանաց Ս. Գեղարքայ, Վաղարշապատ*, 1873, էջ 65:
- ¹²⁸ *Դիան, Պրակ 5*, էջ 28, արձանագրություն 56:
- ¹²⁹ *Ղաֆաղարեան, Յովհաննավանքը*, էջ 91:
- ¹³⁰ Արեւելքի պետութիւններում բարձրագոյն պաշտօն, որ Ջաքարեան Հայաստանում եղել է թագաւորութեան եւ կողմնակալութիւն-փոխարքայութիւնների պալատներում: Պատմաբան Լ.Հ. Բաքայեանը գրել է, որ հեջուքը համազօր էր իշխանական արքունիքի վերակացոյի՝ սենեկապետի պաշտօնին (*Հայ ժողովրդի Պատմութիւն, Հտր. 3*, Երեւան, ՀՍՍՀ ԳԱ Հրատ., 1970, էջ 553): Բուպակը պետական նախարար-հեջուք-սենեկապետ էր (*Արեւիհաննոսի Սիւնեաց Եպիսկոպոսի Պատմութիւն Տանն Միսական, ի յոյս ընծայեաց Մկրտիչ Էմին, Մոսկուա*, 1861, էջ 258): Ջաքարէ Բ. շահնշահի հեջուքը Վահրամ Պաշկաւունին էր (*Դիան, Պրակ 10*, էջ 48, արձանագրություն 60), Իւանէ Ա. զօրավարի կողմնակալութեան հեջուքը Խաչէնի իշխանական տնից Գրիգոր Տղան էր (*Դիան, Պրակ 6*, էջ 70, արձ. 140. նաեւ՝ Գանձակեցի, էջ 222-3, 254, 359), Այրարատի կողմնակալութեան կողմնակալ-փոխարքայ Վաչէ Ա.ի հեջուքը Ավեցոյն էր (*Ղաֆաղարեան, Յովհաննավանքը*, էջ 83):
- ¹³¹ *Արեւիհաննոսի Սիւնեաց Եպիսկոպոսի*, էջ 258:
- ¹³² Համադան քաղաքը Պարսկաստանում:
- ¹³³ *Դիան, Պրակ 3*, էջ 211, արձ. 677:
- ¹³⁴ *Արեւիհաննոսի Սիւնեաց Եպիսկոպոսի*, էջ 261-262:
- ¹³⁵ Այս նոյն հերթականութեամբ Նորավանքի Կաթողիկէ եկեղեցու շինարարական արձանագրութեան մէջ իր որդիներին նշել է Լիպարիտ իշխանաց իշխանը (*Դիան, Պրակ 3*, էջ 211, արձանագրություն 677):
- ¹³⁶ Նոյն, էջ 218, արձանագրություն 692:
- ¹³⁷ Նոյն, էջ 206, արձանագրություն 667:
- ¹³⁸ Նոյն, էջ 234, արձանագրություն 763, էջ 236, արձանագրություն 772:
- ¹³⁹ Նոյն, էջ 206, արձանագրություն 667:
- ¹⁴⁰ Նոյն, էջ 230, արձանագրություններ 736, 737, 738, 739:
- ¹⁴¹ *Արեւիհաննոսի Սիւնեաց Եպիսկոպոսի*, էջ 292
- ¹⁴² Տ. Պետրոսեանց, *Վաչուրեաններ*, Երեւան, Հեղինակային Հրատ., 2001, էջ 56: Նոյնի՝ *Տիկնայք Փափկասուն*, էջ 42-43:
- ¹⁴³ *Դիան, Պրակ 3*, էջ 227, արձանագրություն 727:
- ¹⁴⁴ *Արեւիհաննոսի Սիւնեաց Եպիսկոպոսի*, էջ 266:
- ¹⁴⁵ Ալիշան, *Այրարադ*, էջ 340:
- ¹⁴⁶ *Դիան, Պրակ 5*, էջ 16, արձանագրություն 14:

MATRIMONY AS A MEANS AND TOOL FOR STATE BUILDING FOR THE ZAKARIANS
(Summary)

TIGRAN PETROSYANTS
tigranhayazn@mail.ru

Matrimony has been an important tool for state building for thousands of years. Many interstate issues have been resolved and relations between ruling families have been regulated through wedlock.

The paper highlights how Sarkis Zakarian II (Sarkis the Great, son of King Zakare I, 1185-1187), one of the most renowned Armenian military and political figures of the 12th century, made good use of this institution in order to stitch together the territories of various Armenian feudal 'kings' and princes in a loose federation that was to become the foundation of Zakarid Armenia.

The author analyses the arranged marriages of Sarkis' two daughters to the main figures of the two branches of Khachen principality, and how later he arranged the marriage of his third daughter to the heir of the clan of Dsekh rulers, Hamazaspyans-Mamikonyans. Furthermore Sarkis had a role to play in the marriage of his nephew to the son of the Khachen princely house.

His two sons, Zakare II and Ivan II, followed in his footsteps and married their sister Vaneni-Nana to King Abbas II Kyurikyan, while they married representatives of other Armenian princely houses, and encouraged in every possible way the marriages of their subordinate princes to representatives of other princely houses.

The paper argues that this marital kinship united the territories of the Zakaryans and the Kyurikyans and combined the adjacent lands of the Artsrunis and those belonging to the rulers of Dsekh and laid the territorial foundation of the future Zakarid state. The success of this policy led the rulers of Armenia to adopt it for over one and a half centuries, during both Zakarid Armenia (1187-1236) and the semi-independent existence of Armenia under Mongol rule (1236-1350). Furthermore, it gave to a number of Armenian princely families the capacity to survive during those challenging decades for some five to six generations.

